



सानसेयारि 'बड'सा' खीरालाइयाव
अमाज्यादि जिउजो लोब्बा थानाय रायथाय, खन्थाय,
अल', अल'बाथा आरु दावबायारि थावनि, पार्क
बाइदिनि सायाव लिन्हाय लिन्हाबां हैथाय डर/
सानसेयारि 'बड'सा' खीरालाइया सेबखानावै
फोखावगेन/
बड'सायाव लिन्हायनि हुबा खालाम,
'बड'सा' खी नोथो, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Friday ★ 20 December, 2024 Kokrajhar, BTC, Assam ★ Vol.-33, Issue No. 263 ★ R.N.I.Regd.No.40994/91, Assam Govt.Regd.No.IPRD.40/2006/3, ★ Rs.8/-

बासुगावआव
गिखंथाव
लामानि
जाब्रबथायाव
सानै लाइमोननि
जिउ गोमादों

बासुगाव, 19 डिसेम्बर:
बासुगाव सहरनि खाथियाव
थानाय नेहालगावआव बुधवार
हरनि 11.30 रिंगायाव
सोमजिनाय मोनसे गिखंथाव
लामानि जाब्रबथायाव सानै
लाइमोननि जिउ गोमायो।
ट्रफिक पुलिसआ जाब्रबथायखौ
होबथानो लामानि सायाव स्पिड
ब्रेकर गायसन्दोब्लाबो नाथाय
दुखुनांथाव बाश्चादि बे
जायगायावनो कक्राझार
जिल्लानि सालाकानियाव
थानाय एनटिपिसिनफ्राय
खैलानि हांगार रोगाग्रा बिआर-
10 जिस् 4252 नम्बरनि गंसे
(□ 6 बिलाइआव)

आसाम बिधान सभानि बुंथिगिरि बिस्वजित दैमारी दैदेन्नाय थान्दै हान्जाया कक्राझार-चिरांआव दावबायफैदों

फैगौ फेब्रुवारी दानाव बड'लेण्डनि सेक्रेटारियेटआव गिबि खेबनि थाखाय
आसाम बिधान सभानि बाजेट जथुम्मा खुंगोन: बिस्वजित दैमारी

कक्राझार, 19 डिसेम्बर: आसाम बिधान
सभानि बुंथिगिरि बिस्वजित दैमारीनि
दैदेन्नायाव कक्राझारआव मैया दावबायफैनाय
सा 25 सोद्रोमानि मोनसे थान्दै हान्जाया दिने
बिसमुरिनफ्राय सरलपारा थांग्रा लामाजों
लोगोसे सामथाइबार्निफ्राय भुटानसिम थांग्रा
लामाखौ नायगिदिहैयो। मख'नो गोनांदि,
मैया एबा बुधवारखालि बिधान सभानि बे
थान्दै हान्जाया गवालपारा, धुबुरि, बडइगाव
जिल्लानि माहारियायि राजा लामा खाथिनि
माखासे जौगालु बिथांखिफोरखौ
नायगिदिहैना नै कक्राझार जिल्लायव
दावबायफैयो। रायखानो गोनांदि, सा 11
एमएलएफोरा बाहागो लानाय सा 25
सोद्रोमानि बिधान सभानि बे थान्दै हान्जाया



गिबियाव बिटिसि सेक्रेटारियेटआव नुजाथियो
आरो बिटिसि सेक्रेटारियेटआव बिटिसिनि
गाहाइ मावफुं सोद्रोमा प्रमद बर'जों लोगोसे
बिटिसिनि गुबुन सोद्रोमाफोरजों मोनसे
गोनांथार सावराय मेल जथुमो। सावराय
जथुमनि उनाव बिधान सभानि बुंथिगिरि
बिस्वजित दैमारीआ मोनसे खौरंगिरि मेल
खुनानै बुडोदि, कक्राझारनि बिटिसिएलएआव
2025 माइथायनि फेब्रुवारी दानाव खुंगो गोनां
आसाम बिधान सभानि फैगौ जथुमनि साखा-
फारा खालामनायनि सोमोन्दे सुलु लानो
कक्राझारआव दावबायफैदों। बे बायदिनो
बड'लेण्ड खुंथायारि बिधान सभा आरो
बिटिसि सेक्रेटारियेट आरो बिटिसि सरकारजों
सावराय मेल (□ 6 बिलाइआव)

राइज्यो बैंगिरिआ 2024 नि साहित्य अकाडेमि बान्था मोनगिरिफोरनिसिम हामब्लायथि हरदों

गुवाहाटी, 19 डिसेम्बर: आसामनि राइज्यो बैंगिरि लक्ष्म
प्रसाद आचार्यआ देग्लार्यनि 2024 माइथायनि हादतनि मोनसे
गोजौ थाखोनि सनमान गोनां थुनलाइआरि बान्था साहित्य
अकाडेमि बान्था मोनगिरिफोर फारिये- समिर तान्ति, दिपक
कुमार शर्मा आरो अरन राजा बिथांमोननिसिम हामब्लायथि
बाउहरदों। मख'नाय जायोदि, थानाय सानखालि 2024 ई
माइथायनि साहित्य अकाडेमि बान्था मोनगिरिफोरनि मुंखौ
फोसावनाय जादों। बे बोसोराव आसामनिफ्राय सा 3
थुनलाइगिरिफोरा बे सनमान गोनां बान्थाखौ मोनो हादों।
बर'नि सासे राफोद थुनलाइगिरि चिरां जिल्लानि बिजनी
हालामनि 2नं साइटेनगुरि गामिनि थागिबि अरन राजा
बसुमतारिआ गावनि सुजुनाय 'सोरनि थाखाय' सल'मा
बिजाबनि थाखाय साहित्य अकाडेमि बान्था-2024 खौ मोनो
हादों। बिथांजों लोगोसे आसामनिफ्राय गुबुन सानै
थुनलाइगिरिफोर समिर तान्तिआ असमीयानि 'फरबरे बाथर
कता जाने' खन्थाइ बिजाबनि थाखाय आरो दिपक कुमार
शर्माआ संस्कृत रावआव 'भास्कर सरितम' खन्थाइ बिजाबनि
थाखाय बे बान्थाखौ आवग्रिनो (□ 6 बिलाइआव)

रैतायाव एमएलए चरन बर'आ सा 255 बेरामिफोरनि गेजेराव चक रान्दों

उदालगुरि, 19 डिसेम्बर: उदालगुरि जिल्लानि 47 नं माजवात
बिधान सभा बियाबनि सिडव थानाय रैतायाव गिबि मन्थि
अन्सुथाय फान्दिन चक रान्दाय हाबाफारि खुनाय जायो। रैता
बाथौ मन्दिनि लांगोनायाव बे हाबाफारिखौ खुनाय जायो। एमएलए
चरन बर'आ रंखान्थियारि महरै गोलैसोनाय गासै सा 255
फरायसाफोरजों लोगोसे बेरामजों नाखेबजानाय सुबुंफोरन बे
रंखान्थियारि अन्सुथायनि केचखौ होनाय जायो। बे हाबाफारियाव
37 नं धनसि बिटिसि बियाबनि एमएलए फ्रेंस मुसाहारीआबो
बाहागो लायो। मैया बुधवारखालि माजवातनि सिडव थानाय
गुबुन गुबुन मुलाम्फारिफोरनो गिबि मन्थि अन्सुताय फान्दिन
सिडव चक रान्दानै गोजोनाय फोरमायो एमएलए चरन बर'आ।
बिथाइ बुडोदि, रंखान्थियारि महरै गोलैसोनाय नख'रफोरनि गुबुन
गुबुन बेरामजों नाखेबजानाय बेरामिफोरा फाहामथाय लानाय आरो
फरायसाफोरा गोजौ सोलैंथाइ लानायनि बिथिडव बे रंखान्थियारि
अन्सुथाया एसेब्लाबो मदद-हेफाजाव होगोन। मोनो हाथाव
मुलाम्फारिफोरा बे अन्सुथायखौ मोनो हानायनि थाखाय बिथाइ
जोबोत गोजोनाय फोरमायो। □

आं उन जोलैनि थाखाय मोनसे कर्मज्ञआव नांथाबदों, जायखौ उनजोलैया आसामखौ हादतनि बयनिखुडुबो गोगाथाव राइज्योयाव सोलायगोन: ड० शर्मा

गिबि मन्थि ड० शर्माआ गावनि खामानि मावनायनि गेजेरजों बाडाइ समनि गेजेरावनो
आसामखौ हादतनि गेजेराव मोनसे गोदान सिनायथि होनो हादों: राइज्यो बैंगिरि

दिसपुर, 19 डिसेम्बर: जनता भवनाव थानाय
सुबुं सिबिथाय भवननि सावराय न'ब्लाडव
खुनाय मोनसे हाबाफारियाव राइज्यो बैंगिरि
लक्ष्म प्रसाद आचार्यआ दिने गिबि मन्थि
ड० हिमन्त बिश्व शर्मानि गिबि मन्थिनि
डायेरि-3 आरो गिबि मन्थिनि बिबुंथि जथायाय
-3 आयदानि गांनै बिजाबखौ बेखेवनानै
होयो। रायखानो गोनांदि, 2023 माइथायनि
5 जानुवारीआव गिबि मन्थिनि डायेरिनि गिबि
खोन्दोखौ गोजौ बिजिरसालिनि गाहाइ
बिजिरगिरि रञ्जन गगैआ बेखेवनानै होदोंमोन



गिबि मन्थिनि नैथि खोन्दोखौ बे समनि राइज्यो
बैंगिरि गुलाब चान्द कातारियाआ थानाय बोसोरनि
9 डिसेम्बरआव बेखेवनानै होदोंमोन। गुबुन
फारसैथि, गिबि मन्थिनि बिबुंथि जथायनाय -1
आव ड० शर्माआ गावनि गिबि मन्थिनि गिबि
बोसोराव बाहागो लानाय सरकारि आरो राइज्योआरि
गुबुन गुबुन हाबाफारियाव होनाय बिबुंथिफोरनि
गेजेरनिफ्राय सायख'नाय मोन 35 बिबुंथि आरो
गिबि मन्थिनि बिबुंथि जथायनाय-2 आव ड०
शर्मानि गिबि मन्थिनि नैथि बोसोराव होनाय
बिबुंथिफोरनि (□ 6 बिलाइआव)

खौरंगिरिनि सायाव पुलिस हान्जाया अनागारि खालामनायनि हेंथायै रडियाआव गोखों सोमावसारदों

रडिया, 19 डिसेम्बर:
गुवाहाटीयाव राजखान्थियारि
दोलोनि खौरां बुधुमनो थानाय
खौरंगिरिनि सायाव पुलिसआ
बुधवारखालि टियार गेस
गावहरनाय जोखोम खालामनाय
जाथायखौ लानानै दिने गोखों
सोमावसारदों। रडियानि
खौरां गिरिफोरा। दिने
सानजौफुयाव खौरां गिरिफोरा
गोसोम बेज गान्दानै से घन्टा
सोमावसारनायजों लोगोसे
जाथायनि हेंथायै गोखों रावजों
(□ 6 बिलाइआव)

तामुलपुर जिल्ला एबसुनि 2थि बोसोरसालिया जथुम्मा आरो तामुलपुर दख'रा एबसुनि 37थि बोसोरसालिया जथुम्माया जागायबाय

तामुलपुर, 19 डिसेम्बर:
तामुलपुर जिल्ला दुलाराय बर'
फरायसा आफादनि 2थि
बोसोरसालिया जथुम्मा आरो
तामुलपुर दख'रा एबसुनि
37थि बोसोरसालिया जथुम्माया
सिखना बर' गोजौ
फरायसालिनि गेलेग्रा फोथाराव
दिने निफ्राय सानथामनि
हाबाफारिजों जागायबाय।
सोलिफु डिसेम्बर दाननि 19,



20 आरो 21 खालारआव
सान्थामनि मेहेर गोनां
हाबाफारिजों खुंफुजानो गोनां बे
बोसोरसालिया जथुम्मानि दिने
गिबि साननि हाबाफारि बायदियै
फुंबिलि समनिफ्रायनो गाहाइ
दरख' मोखां बेखेवनाय,
आलासि जिरायसालि
बेखेवनाय, जामुंसालि
बेखेवनाय, मावसोम बादो
(□ 6 बिलाइआव)

सोजिलु फाइन आर्टस एन्ड मिउजिक एकाडेमिआ क्लासिकेल मोसानायनि सायाव बेसेनाडै मावबादा खुनो साखा-फारा

कक्राझार, 19 डिसेम्बर:
कक्राझारनि सोजिलु फाइन
आर्टस एन्ड मिउजिक
एकाडेमिआ क्लासिकेल
मोसानाय आरो आरिमुनि सायाव
(□ 6 बिलाइआव)

कंग्रेसनि 'राजभवन चल' हेंथा सोमावसारनाय हाबाफारि

खौरांगिरिफोरनि खामानि मावनाय जायगायाव पुलिसआ
टियार गेस गावहरनाय जाथायखौ आपकुआ सौंखारिदों

उदालगुरि, 19 डिसेम्बर:
आसाम प्रदेश कंग्रेसनि
आफादगिरि भुपेन बरानि
दैदेन्नायाव मैया बुधवारखालि
पुजिपटी आडानीनि गेनाखान्थि,
स्मार्ट मिटरनि मुडव आसामनि
सरसनस्था सुबुंफोरनि सायाव
सोलिबाय थानाय लुथिनाय
आरो गोजोन गैथै न'सुंसेनि
राइज्यो मणिपुरसिम गोजोननि
थासाखिखौ लाबोफिन्नायनि
दाबियाव कंग्रेस दोलोनि
बान्जायनायाव 'राजभवन चल'
हेंथा सोमावसारनाय
हाबाफारिखौ फेलें खालामनो
गुवाहाटी नोगोस्मा पुलिसआ
(□ 6 बिलाइआव)



हिन्दु धोरमारिनि सुबुडा मोसौ बेदर जानो नागिरनायखौ लानानै फिनजाथाय सोमजिदों, सासे सुबुंखौ हमदों

भवानिपुर, 19 डिसेम्बर:
बाक्सा जिल्ला सालबारि
महकुमानि बासबारि पुलिस
बादानि सिडव थानाय ज्ञाति
गामियाव सासे हिन्दु धोरमारिनि
सुबुडा मोसौ बेदर बायनानै
गावनि न'आवनो संनानै जानो
नागिरनायखौ लानानै ओन्सोलाव
गोखोडें फिनजाथाय सोमजिदों। मख'नो गोनांदि, ज्ञाति गामिनि
ब्रजराज राजबंसि (60) आ गामिनि साखाथियाव थानाय मुसलमान
हारिनि गामिनिफ्राय मोसौ बेदर (□ 6 बिलाइआव)

बाक्सानि आवहातायाव मबाइल टावारनि मुवा-बेसाद खावग्रा सानै सिखावखौ हमदों



सालबारि, 19 डिसेम्बर: बाक्सा जिल्लानि सालबारि महकुमानि
सिडव थानाय आवहातायाव मबाइल टावारनि मुवा-बेसादफोरखौ
खावनो फैनानै सानै दुथां सिखावखौ राइज्यो-राजाफोर आरो
पुलिसआ हमनो हादों। मख'नो गोनांदि, थानाय हरनिफ्राय
आवहातानि रन्जित कलितानि न'नि लांगोनायाव थानाय एयारटेल
कम्पानिनि मबाइल टावारआव गाखोनानै टावारनि मुवा-
बेसादफोरखौ खावनो नाजदोंमोन बरपेटा जिल्लानि करिशालानि
मफिदुल इस्लाम आरो आशादुल आलिमोनहा। जायनि उनाव
टावार कम्पानिनि सुबुंफोरा नख'रनो (□ 6 बिलाइआव)

खौरांगिरिफोरखौ टियार गेस गावनायखौ लानानै बजालियाव खौरांगिरिफोरा सोमावसारदों

भवानिपुर, 19 डिसेम्बर: गुवाहाटीआव मैया
बुधवारखालि कंग्रेस दोलोनि बान्जायनायाव हेंथा
सोमावसारनाय हाबाफारियाव गावसोरनि
मावबिबान फालिनाय माखासे
खौरांगिरिफोरनिसिम पुलिसआ टियार गेस
गावनानै गिखांहोनाय खामानिनि हेंथायै दिने नर्थ

इस्ट जॉर्नलिस्ट एन्ड डिजिटल मिडिया आफादनि
बजालि जिल्ला आफादनि खौरांगिरिफोरा गोसोम
बेस गान्दानै सोमावसारनाय हाबाफारि खुदों। हेंथा
सोमावसारनाय हाबाफारि खुनानै खौरांगिरिफोरा
आसाम पुलिसनि बेबायदि खामानिखौ गोखों
रावजों सौंखारिनाय (□ 6 बिलाइआव)

मानासनि लावखार ओखाम जाग्रा थिलिखौ दिनैनिफ्राय बेखेवबाय

सालबारि, 19 डिसेम्बर:
मुलुगनां जारिमिनारि थावनि
मानास माहारियायि हाग्रामाजों
नांथावनानै थानाय नारायनगुरिनि
बेकि दैमानि लावखार ओखाम
जाग्रा थावनिखौ दिने बेखेवनाय
जायो। लावखार ओखाम जाग्रा
थावनिनि गाहाइ दरखनि
खाथियाव गुबुन गुबुन दोलो-



आफादनि सोद्रोमाफोरा
नुजाथिनायाव बेखेवनानै होयो
मानास माहारियायि हाग्रामानि
बासबारि रेन्जनि बिबानगिरि
बारिन बर'आ। लावखार
ओखामथिलिखौ बेखेवनानै
रेन्जार बारिन बर'आ सरकार
खानानै होनाय नेम-खांथिखौ
(□ 6 बिलाइआव)

सुजुगिरिनि खोलोम

रां आर्जिनायनि लामाखौ बिफां-लाइफांनि फुलि जगायनानैबो लानो हागौ

थां नानै थानायनि थाखाय गोबां लामा दड होन्ना नै बुंनय जायो। आबादनिक्राय लानानै बाइदिसिना खामानि-दामानिफोरनि गेजेरजोंबो थानानै थानायनि लामा दिहुन्तो हायो। आबाद होन्ब्ला जॉनि मानसिफ्रा दैज्जलानि माइ आबाद, मेसेंनि मैगं-थाइगं, सबाय-सिबिं-बेसर बाइदिसिना आबादफोरखौनो हमनानै लानाय जायो। नाथाय बेनि अनगायैबोदि-ना फिसिनाय, दाव-हांसो, बोरमा-अमा फिसिनाय, मैगं-थाइगंजों लोगोसे बाइदिसिना बिफां फुलि जावयैनाय, नारें लेबु, थाइजौ, लिचु बाइदिसिना फिथाइ-सामथायनि फुलि खालामनानै, गायनानै फिथाइ-सामथाय दिहुन्ना नै थानानै थानो, नख 'र' सामलायनो खामानि-दामानि गैयै सुबुंफोरनो सरकारनि बिथिनिफ्राय मदत होनायनि राहा दड। नाथाय बेफोर राहाखौ साबेसे बेकारफ्रा मोनफुंनो हादों आरो साबेसेया बेफोरबादि स्कीमनि गेजेरजों थानानै थानायनि लामा दिहुन्तो हादों होन्ना नै सॉनायनिबो जाहोन गैया नडा दड। अदेबानि बेनि मोन्दांथिखौ जायफोरा मावनानै जाबेदों बिसेरोसो बेनि फिन्नायखौ गेबेडै होनो हागोन।

आधिकाल हाथाय-बाजाराव बोथोर नायै बोथोरनि मैगं-थाइगं-फान्थाव, टमेट, कफि, फानलु बाइदिसिना मैगंनि फुलि जावयैनाय फान्नाय बादिनो- थाइजौ, नालेंखर, गय, नारें लेबु, लिचु, जाम्बुजों लोगोसे बाइदिसिना रोखोमनि बाथाम-तकथा हाखाव जाग्रा बिफां-लाइफांनि फुलि जावयैनाय बेसोर नाडै फान्ना हानायनि राहाबो लानो हासै। मानोना आधिकाल गोगो आरो सुदेम बारहावया मोनफुंनो हानाय बादियै आलांगा फोथारनिफ्राय लानानै लामा-सामा, न' उसुं, बारि-बागान जेरावबो बिफां मायनानै सोमखें खालामनो लादों बे बिथिडे फुलिनि चाहिदाया गोबां बांबोनो हमदों।

मैगं-थाइगंनि आबाद मावनानै मुलाम्फा जानाय बादिनो मैगं-थाइगंनि फुलि जावयैनाय फान्नायबो मुलाम्फा दं। आधिकाल न'नि बारि-बागानाव बाइदिसिना रोखोमनि मैगं-थाइगं फोनानै मावनानै जानाय-फान्नायफोरे बादि खालामनो हायाब्लाबो नख 'राव' जानाय सोलिनो आन्था रोखोम-रोखोम एफा-एफा मैगं-थाइगं गायनानै मावनानै जानायबो दंसै। दाव-हांसो, बोरमा-अमा, नाफोरनि बाथ्राया आलादा। न'याव जानो आरो माफा-मानै फान्ना हानायनि थांखिजों गामियारि नख 'राव' दाव-अमा, बोरमा, हांसोफोरखौ फिसिनाय जाखायो। नाथाय फार्म महरै फिसिनायै रांखान्थियारि बिथाखौ खोमथा खालामनो हानायनि राहाखौबो लानो रेंनांगोन। गुबैयै आधिकालाव दावदैन चाहिदाखौ नायनानै दावदै दिहुन्नायनायनि फार्मबो गायसन्नो गोनांथि दं।

दिनैनि फान्जामुथि

राशि बाइदियै मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : त र वृश्चिक : ब न धनु : ध भ (ङ फ) मकर : ख ज कुम्भ : ग श (स) मीन : द च (ख ज झ)

- मेघ:** जेखि जाया शुभ खामानि मावनानै लानो हागोन। सान्नाया जाफुंनो हागौ।
- वृष:** गोसोआव माखौबा लानानै गिखानाय मोन्तो हागौ। गोसोखौ लोरबां लानो नाड।
- मिथुन:** नख 'र'नि शुभ खामानि मावनो गोनां दडबा मावनानै लानो हागोन। गोजोन मोनगोन।
- कर्कट:** सरकारनि साखि मावनायाव जौगानायखौ मोन्तो हागोन। गोजोन मोनगोन। मोजां सान।
- सिंह:** माबा मोनसे खहा जानो हागौ। गोसोखौ शान्ति मोन्नाय नडा।
- कन्या:** जेखि खामानिखौनो माबा मुलाम्फा मोन्तो हागोन। मोजां सान।
- तुला:** मोजां मोनलायनायाव अनलायनाय फैगोन। गोजोन्नायखौ मोन्तो हागोन। मोजां सान।
- वृश्चिक:** जिउआव माबा मोनसे सानखानानै जिंगा सिगोन। गोसोखौ लोरबां लानो नाड।
- धनु:** सरकारनि साखि मावनायाव माबाफोरे जेना नुजानो हागौ। गोसोखौ शान्ति मोन्नाय नडा।
- मकर:** गोसोखौ मानोबा शान्ति मोनै मोनगोन। जेखि जाया गोसोखौ हमथा।
- कुम्भ:** जेरावबो गोहो-बोलोखौ मोन्तो हागोन। गोजोनै सम बारहोनो हागोन। मोजां सान।
- मीन:** सरकारनि माबाफोरे केस दडबा जोबसांगोन। गोजोन्नायखौ मोन्तो हागोन। मोजां सान।

पिएम मदिआ मुम्बाइनि नाव जाब्रबथाइआव जिउ गोमानाय सुबुंफोरनि नख 'र'फोरनो 2 लाखनि अन्सुंथाइ फोसावयो

महाराष्ट्र, 19 डिसेम्बर : नेभिनि जाहाज इन्जिनआ बेलासिनि 4 रिंगायाव निलकमल मुनि गंसे नावजों सौग्रावदोंमोन। बे इन्जिना टेस्टनि थाखाय थांगसिनो दडमोन। नावआव सा 100 निखुइ बांसिन सुबुंफोर गाखोदोंमोन। बे जाब्रबथायाव सा 13 सुबुंफोरनि जिउ गोमायो। महाराष्ट्रनि मुम्बाइआव जानाय नाव जाब्रबथायाव सा 13 सुबुंफोरनि जिउ गोमानायनि उनाव पिएम मदिआ 2 लाखनि अन्सुंथाइ फोसावयो। गाहाइ मन्थि मावख 'नि फारसेनिफ्राय



सशरल मिडिया प्लेटफर्म एक्सआव बेनि खौरं होयो। गाहाइ नाव जाब्रबथायाव जिउ

गोमानायफोरनि नख 'र'फोरनो पिएमएनआरएफनिफ्राय 2 लाख रंनि अन्सुंथाइ होनो फोसावयो।

बेरा फारसे, जोखोम जानायफोरनो 50,000 रं होनाय

नेभिफोरा लैथोमायाव लामा दिन्थिग्रा निर्देशकखौ मोन्जो हाबाय

गोदान दिल्ली, 19 डिसेम्बर : भिशाक । पटन मयाव बुधवारखालि जानाय मोनसे हाबाफारियाव निर्देशकखौ भारतयारि नेभियाव सोफायो एबा थिसनो। निर्देशकआ सार्भ वेसल (लार्ज) प्रेजक्टनि नैथि जाहाज गाथोन, जायखौ कलकातनि जिआरएसइयाव 80 जौखोन्डोनिखुइ बांसिन हादतयारि मुवा-बेसादफोरजों बानायनाय जादों। बेयो भारतनि जाहाज डिजाइन खालामनायाव जर'खा आरो नेभिखौ गावनि आधिडाव फासंनय फारसे गावनि गोहोखौ दिन्थियो। 'निर्देशक' नि मेक्सिमाम स्पीडआ 18 नटसनिखुइ बांसिन आरो बेयो लान्थियै 25 सानसिम लैथोमायावनो थाबाय थानो हायो। बेयो हाइड्रोग्राफिक सार्भ वेसल (शिप), जाय लैथोमा सिडाव सार्भ खालामनानै नेभिशेगन चार्ट बानायगोन। भारतनि बानायनाय




हाइड्रोग्राफि चार्टनि गेजेरजोंनो मुलुगनि गोबां हादतफोरनि दावहार जाहाज गाथोन आरो माल रोगाग्रा जाहाजफोरा भारत लैथोमा ओन्सोलार्जों थाडो। भारत लैथोमा ओन्सोलाव भारतनि' बे तेक्निआ दड। नेभिशेगन चार्टआ बेनि थाखायनो गोनां जायो। मानोना लैथोमानि लामाया समान जाया। अदेबानि बहाबा जोबोद गोथौ आरो बहाबा खम जायो। हाइड्रोग्राफिक मेपखौ बेनिखायनो बानायनाय जायो जाहाथे शिपफोरा थि लामाजों थाडो आरो जेबो जाब्रबथाय

जाया। निर्देशकआ गोदान जोन्थोरफोरनि सायाव बिथा खालामनाय नेभिशेगन आरो फोनांजाव नेम-खान्थिफोरजों लोगोसे गोदान मुगानि सेन्सार्फोरखौ बाहायनानै लैथोमानि गोथौ आरो बेनि ओन्सोलखौ जोबोद खाथिनिफ्राय मेप खालामनानै चार्ट खालामगोन। बेनिखायनो निर्देशकनो लैथोमानि 'पथ प्रदर्शक' मुं होनाय जादों। बेयो 110 मिटार गोलाव आरो मोन्ने इन्जिन लागायनाय जादों।

महाराष्ट्र, 19 डिसेम्बर : मुम्बाइआव बुधवारखालि मोनसे गिदिर नाव जाब्रबथाइ जानायनि सायाव गोदान खौरं सोरांआव फेदों। खौरांनि बायदिब्ला, बे नावआव सा 100 सुबुंफोर दंमोन आरो रवबो लाइफ जेकेट गानाखैमोन। हरखाबे नेभिनि स्पीडबटआ गंसे दावबायारि नावजों सौदावफेदों। बेनि उनाव बे नावआ गोदोनो हमो। मुम्बाइ पुलिसनि बायदिब्ला, बे जाब्रबथायाव नेभिनि सा 4 मावफारिया आरो नावनि सा 9 सिभिलियान्सनि जिउ गोमादों। सा 80 सुबुंफोर गाखोजानाय नीलकमल बटआव सा 20 गथ 'फोरजों लोगोसे सा 110 दावबायारिफोर गाखोदोंमोन। नेभिनि नावआ स्टन्ट खालामदोंमोन आरो बे समावनो बै नावजों सौदावदों होन्नाबो जाथाइखौ नुग्राफोरा बुंदों। खायसेया बे समाव भिडिअबो बानायदोंमोन।

जागोन। मुम्बाइआव थानाय बुधवारखालि लैथोमानि सेराव नेभिनि गंसे जाहाजआ गंसे नावजों सौग्रावदोंमोन। बे जाब्रबथायाव सा 13 सुबुंफोरनि जिउ ख'हा जायो आरो सा 99 गुबुन सुबुंफोरखौ रैखा खालामो। बे नावआ दावबायारिफोरखौ गेटवे अफ इन्डियानिफ्राय बयजोंबो अन्सायजाग्रा जायगा 'एलिफेन्ट' द्विपआव लानानै थांगसिनो दंमोन। जाथाइनि उनाव नेभिफोरा बोरि रैखाथि हान्जा आरो लैथोमायारि

मुम्बाइनि नाव जाब्रबथाइखौ भिडिअआव रोखा नुनो मोन्दों



सौदावफैग्रा नेभिनि बटनि झुइभरनि हेन्थायै पुलिसआ केस थिसनबाय। जाब्रबथाइनि 25 मिनिट उनाव नेभिआ बैयाव सौहैना रेक्यु खालामो। बेनि सिगां साखाथियाव थानाय नाव आरो सुबुंफोरा जाब्रबथायाव गोलैनाय सुबुंफोरखौ रैखा खालामो। दैसांथिया एक्सआव पस्ट होनानै फोरमायोदि, नेभिनि

Name Correction

That, my actual and correct name is 'Reena Mandal' D/O Adhar Mandal which is recorded in my all relevant documents such as-Aadhaar Card, Voter ID, PAN CARD etc.

That, due to bonafide mistake my name is being recorded in my all HSLC Certificate, Admit Card, Registration Card as RINA MANDAL in place of REENA MANDAL. Even my HSLC Passed Certificate also recorded as 'RINA MANDAL place of Reena Mandal Centre Code-B12-517 Roll No. 0095 issued by Secretary on 15th June, 2012, Assam.

That, Reena Mandal / Rina Mandal D/O Adhar Mandal is the same and one identical person i.e. myself.

Reena Mandal
D/o. Adhar Mandal
Vill.- Patgaon
P.O.- Patgaon
P.S.- Serfanguri
Dist.- Kokrajhar, BTR, Assam
PIN.-783346

Name Correction

That, my deceased father's actual and correct name Harab Chandra Basumatary, which is recorded in my Aadhaar Card, vide card No. 889274864992 and other relevant documents.

That, in my land document/Jamabandi, vide Patta No. 198, Dag No. 387, situated Dimalgaon under Revenue Circle Kokrajhar, Dist. Kokrajhar, BTR, Assam, wherein my deceased father's name has been recorded as Habar Chandra Basumatary instead of my deceased father's actual and correct name Harab Chandra Basumatary.

That, I do hereby declare that Harab Chandra Basumatary and Habar Chandra Basumatary is the same and one identical person non other than my deceased father's.

Rabindra Basumatary
S/o. Late Harab Chandra Basumatary
Vill-North Narabari
P.O./P.S./Dist.-Kokrajhar, BTR, Assam.

मनिपुरआव सान्थि हाब्जाआ उतरखारिफोरनि केम्पफोरखौ सिलिंखार खालामदों

इम्फल, 19 डिसेम्बर : मनिपुरनि सान्जा इम्फल, सोनाब इम्फल आरो काकचिं जिल्लाफोरव सान्थि हाब्जाफोरा थानाय 48 घन्टानि गेजेराव नागिरसंनय हाबाफारिनि समाव मोननै उतरखारि हाब्जाफोरनि केम्पफोरखौ सिलिंकार खालामो आरो सा 14 सुबुंफोरखौ हमो। सोनाब, सान्जा जिल्लानि मकौ पौराबीआव होबथाजानाय कांलेइ याभल कन्ना लुप(केवाइकेएल) नि गंसे के म्पखौ बुधवारखालि सिलिंखार खालामो। बे समाव गंसे एयार गान, गंसे म्बाइल फन, गंसे बुलेट प्रुफ हेलमेट



आरो इउनिफर्म बोखानो हायो। बे ओन्सोलाव होबथाजानाय पिपुल्स रिभलुसनारि पार्टि अफ कांलीपाकनि के म्पखौ सिलिंखार खालामो। बे समाव गंसे इन्सास एलएएमजि मेगजिन,

बेसादफोरखौ बोखानो हायो। पुलिसआ थानाय 48 घन्टयाव काकचिं जिल्लानि भिजयपुर, ममां लिकेइ आरो माखा लेइकेइ ओन्सोलनिफ्राय होबथाजानाय उतरखारि आफाद कांलिपाक कमिउनिस्ट पार्टि पिपुल्स वार ग्रुपनि सा 6 केडारफोर आरो सोनाब इम्फल जिल्लानि थांमेइबन्द वाथम लिरक ओन्सोलनिफ्राय के सिपि (एमएफएल) नि सा 3 एक्टिभ सोद्रोमाफोरखौ जरजुलुमै रां लानाय हाबाफारिफोराव बाहागो लानायनि दाव हमो।

त्रिपुरानि मनु रेलवे स्टेसनआव टिटिइखौ बुनाय सा 3 आइजोफोरखौ हमबाय

आइजल, 19 डिसेम्बर : त्रिपुरानि राजकीय रेलवे पुलिस (जिआरपि)आ धलाइ जिल्लानि सिडव थानाय मनु रेलवे स्टेसनआव रेलवे टिटिइ अतुल कौचिकनि सायाव गात्रियै गालोबनायनि दायाव सा 3 आइजोफोरखौ हमो। मोनसे पुलिस सुलुनि बादिब्ला, हमजानाय सुबुंफोरनि सिनायथिखौ रबिना चाकमा(21), जाय पेचरतालनि धार गामिनि थागिबि, लाल छार ओन्सोलनिफ्राय रजनमुखी चाकमा(30) आरो बिना चाकमा (35), जाय पेचरताल जुबलिछार गामिनि थागिबि। दानसेनि सिगां जानाय बे जाथाया बै समाव जायो जेब्ला दायनिगिरिआ गुबुन सुबुंफोरजों लोगोसे मनु रेलवे स्टेसननिफ्राय आगरतलासिम आइन बेरेखायै थालिर लानानै थांगसिनो दडमोन। जेब्ला टिटिइ अतुल कौचिकआ मालखौ आइन बेरेखायै लानायनि सोमोन्दै जेरा सेबो अब्ला बिथाड दाबि दैखाडोदि, बिसोर नेमखान्थि महरै बेबादि शिपमेन्टनि थाखाय दावबायारि ट्रेनफोरखौ बाहायदोंमोन। बेनि फिन्नायाव कौचिकआ 3000 रंनि जुरिमाना जाबसिनो। बेनि उनाव दावराव-दावसि जायो, जेराव दायनिगिरि आरो माखासे



गार 47 कारतुज, गंसे संगीन, गंबा हाथियार, मोननै वकि-टकि सेट, गंनै साखा खबब्रे गारि, गंनै साखा खबब्रे गारि आरो गुबुन बेसादफोरनि गेजेराव अजद दैखांथाव मुवा-

गुबुन टिटिइआ बे टिटिइखौ गात्रियै बुयो। बेयाव कौचिकआ गात्रियै जोखोम जायो आरो बिखौ थाबैनो फाहामसालिआव लानाय जायो। पुलिसआ बेनि भिडिअ फुटेजखौ नायबिजिरनानै गोथौयै नायबिजिरो, जायजों बिसोर सा 3 आइजोफोरखौ ट्रेक खालामनानै हमनायाव मदद मोनो। बे जाथायनि माखासे गुबुन सन्देह खालामथावफोरा आथिखालाव खारसानै दडआरो बिसोरखौ हमनो नाजानाया सोलिगासिनो दड।

नारायण मुर्तिआ सप्ताहआव 70 घन्टा खामानि मावनायनि बाथ्रा बुंदों

गोदान दिल्ली, 19 डिसेम्बर : इन्फसिसनि फाउन्डरनि नारायण मुर्तिआ माखासे खेब वार्क काल्चारखौ लानाने नोजोराव थाबाय थायो। अदेबानि बिथाड सप्ताहआव 70 घन्टा खामानि मावनायनि बाथ्रा बुडो। बावैसो सिगां बिथाड कलकताआव इन्डियान चेम्बर अफ कमार्सनि जौसे बोसोरारि फालिनाय हाबाफारियाव '70 घन्टा वार्क' नि बाथ्राखौ मख'यो। आथिखालाव नारायण मुर्तिनि बे बिबुंथिनि सायाव माखासे सुबुंफोरा अजद दैखाडो। नारायण मुर्तिआ इन्डियानि वार्क काल्चारखौ चीनजों रुजुदों। बिथाडा बुडोदि, चीननि नोगोरिफोरा भारतनि रुजुनायाव 3.5 गुण बांसिन दिहुन्थाइ खालामो। बेरा फारसे बिथाड निखावरि थाखोनि बाथ्रा बुंन, भारतआव 80 कौटि नोगोरिफोरा फ्रि रेशन मोनो



होन्ना बुंदों। बेनि ऑथिया बेनोदि, 80 कौटि भारतयारिफोरा निखाउरि थाखोयावो दं। बेबायदियाव हादतनि जौगाखानि थाखाय जों गोबां खस्थ' खालामो गोनां जुदि भारतयारि मावसुमाफोरा गावखौ खामानिनि फारसे बाउसोमाब्ला हादतआव निखाउरि आरो जौगाखानो हायैआव थाबाय थागोन। बेरा फारसे, चीनआव खामानिनि थाखाय नेम-खान्थि दं। बे नेम-खान्थि बायदिनो मावसुमाफोरा सप्ताहआव 6 सान खामानि मावनांगौ जायो। चीनआव

जानाय पिपुल्स डेलिनि सार्भनिफ्राय मिबथिनो मोनोदि, कम्पनीनि 98.8 जौखोन्दो मावसुमाफोराव सावस्त्रियारि जेनाफोर दं। वार्क काल्चारनि बिबुंथि होनाय उनाव नारायण मुर्तिआ माखासे सावरायनायजों मोगा-मोगि जानादों। बेनि सोमोन्दै एमपि गौरव गगैआ बुडोदि, जुदि मावसुमाफोरा 70 घन्टा खामानि मावयोब्ला बिसोरनाव फे मिलि, लोगोफोर आरो नख'रनि थाखाय टाइम थानाय नड।

जम्मु-काश्मीरनि कुलगामआव एनकाउन्टरजों सा 5 उतरखारिफोरनि जिउ गोमादों

जम्मु-काश्मीर, 19 डिसेम्बर : जम्मु-काश्मीरनि कुलगाम जिल्लानि कधेर ओन्सोलाव सान्थि आरो पुलिसा जइन्ट अपारेशनाव सा 5 उतरखारिफोरखौ गावथारो। बे गावलायनायाव सानै जवानबो जोखोम जायो। बृहस्पतिवार खालि फुडव सान्थि आरो पुलिस ओन्सोलाव उतरखारि थाखोमानायनि खौरां मोनाखैमोन। बेनि उनाव जइन्ट गोख्रों अपारेशनाव सालायनो नागिरनाय हाबाफारि समाव उतरखारिफोरा गुलि गावनो जागायो आरो सान्थिफोरबो फिन्नाय होयो। बेराफारसे, मिरुयारि नख'र मन्थि अमित शाहआ दिने जम्मु-काश्मीरनि रैखाथि बेब'स्थारखौ लानाने दिल्लीयाव मिटि खालामो हागौ। बेयाव लेडाइ राइज्यो बेंगिरि मनज सिन्हा, सान्थि, पेप मिलिटि, जम्मु-काश्मीर खुंथाइ संगालि एजेन्सिफोर आरो नख'र



बिफाननि गागि अफिसारफोरा बाहागो लागोन। बेनि सिगां थानाय 16 जुनआवबो शाहआ हाइ ले भेलनि मिटि खालामदोंमोन, बेयाव बिथाड

बिबानगिरिफोरनो बिथोन होदोंमोनदि, उतरखारिफोरखौ मदत खालामग्राफोरनि सायावबो एक्सन लानाय जागोन। जम्मु-काश्मीराव सान्थि आरो

उतरखारिफोरनि एनकाउन्टरनि बेयो गिबि जाथाय। थानाय सानफोरव जाय सा 25 सन्देह' खालामथावफोरखौ जिम्मायाव लादों, बिसोर जेर सेबनायाव बेनि खौरां होदों।

बिजेपिनि एमपि सारंगीआ संसदआव गोग्लैनायनि उनाव पार्तिनि गेजेराव दान्थे-बिदान्थे

गोदान दिल्ली, 19 डिसेम्बर: उरिष्यानि बालासरनिफ्राय देरहासरनाय बिजेपिनि एमपि प्रताप सिं सारंगीआ संसदनि सिरिनिफ्राय गोग्लैदोंमोन, जेराव बिथानि खर'आव जोखोम जायो आरो बिथाखौ व्हीलचेयारआव फज'ना फाहामथाय होनो फाहामसालियाव लाडो। बेनि उनाव एमपि सारंगीआ कंग्रेसनि दैदेनगिरि राहुल गान्धीनि नारज्जेदलायनायनि जाहोनाव गाव गोग्लैदों होन्ना बुडो। बिथानि बुंनय बायदिल्ला, राहुल गान्धीआ सोरबा सासे एमपिखौ नाज्जेदहदों। नारजानाय एमपिआ गावनाव गोग्लैफैयो आरो गावबो गोग्लैफायो, जेराव जोखोम जानाडो। एमपि सारंगीखौ राम मनहर लहिया फाहामसालियाव लाना फाहामथाय होनाय जायो। फारसेथि राहुल गान्धीआ दाय जाबसिन्ना बुंदोंदि, बिजेपि



एमपिफोरा गावखौ हुमखिदों आरो संसदनि मेन गेटआव बिसोर थुबुं थानायनि जाहोनाव सिंआव हाबलांनयाव गावहा जे'ना जानादों। कंग्रेसनि आफादगिरि मल्लिकार्जुन खड्गोआबो दाय जाबसिन्ना बुंदोंदि, बिजेपि एमपिफोरा राहुल आरो प्रियंकाखौ थानो लामा होयाजासे नारला-नारसि खालामदों। बेनि गेजेरव राइज्योसभा आरो लकसभा

गनैबो सदानव हाबाफारिखौ 2 रिगासिमनि थाखाय दोनथि थो। मिडियानि सौंथि सौंनयाव राहुलआ बुंदों, बिजेपिनि दाय जाबसिन्नाया नंखाय, केमेरायावनो नुगोन। बेयो पालियामेन्टनि गाहाइ दरखं आरो सिंआव हाबलांनो गाव नाजादोंमोन। बेयावनो बिजेपि एमपिफोरा नारज्जेददों आरो हुमखिबो होदों। बिब्दि नारज्जेदनायजों जेबो जाया।

थानाय बिथामोननिबो मोन्थाय होन्नाबो राहुल गान्धीआ बुंदों। एमपि निशिकान्तआ राहुलखौ थांखिना लाजिनाय गैया नामा बिब्दि गुन्दागिरि खालामदों, देरसिन सुबुंखौ खोलेदों होन्ना बुंनयाव राहुल गान्धीआ गोखैये फिन्नाय होना गावखोसो सारंगीआ नाज्जेदहदों होन्ना बुंदों। राहुलनि बिब्दि बुंनयाव बेयाव थानाय बिजेपि एमपिफोरा गोबारै हब्रा-हब्रा सरंगीआ नारहराखै होन्ना बुडो। बेनि उनाव राहुल गान्धीआ बैयावनिफ्राय ओंखारलाडो। मख'जाथावदि, दिने बृहस्पतिवाराव गोजां बोथोरनि संसदाव जथुमा सोलिबाय थानायनि 19थि सान बाबा साहेब आम्बेडकारनि अपमान खालामनायखौ लानाने जेनाया सोलिगासिनो। बेरेखा दोलोनि एमपिफोरा संसदनि बायजोआव हे'था धनां खालामदों। कंग्रेसनि एमपि राहुल गान्धी आरो प्रियंका गान्धीआबो नीला गाबनि कसाब गान्थाने संसदआव सौहदों।

भुगिनांनय डाक्टरनि बिमा-बिफाया सिबिआइनि नायबिजिरनायजों गोजोनाखै



कलकता, 19 डिसेम्बर: आरजिकार देहा फाहामसालिआव जुनियर डाक्टरखौ जिनाहारि खालामनाने जिउ फोजोबनाय रडियाआव आलादा गुदि खोन्दीनि राहा खालामनाय इ-टेन्डर फोसावथाय नं: इएल-आरएनवाइ-टिआरडि-17-2024-25। गाहायाव फोसावथाय खामानिनि थाखाय मुंसायगिरिआ इ-टेन्डर हांखायहरदों। खामानिनि मुं: रडिया डिभजननि युवुन युवुन यार्डआव बिजि-II खोन्दीनि मोनफ्रोमबो लाइनि थाखाय आलादा गुदि खोन्दीनि राहा खालामनाय। टेन्डरनि बेसेन: 2,58,12,859.44/- रं। अंतिम नं: 2,77,100/- रं। टेन्डर बन्द जानावनि अक्ट' आरे सम: 07-01-2025 अक्ट'नि 15:00 रिंगायाव गोजीव फोसावथाय इ-टेन्डरनि टेन्डर लाइनी लोसों आव फोसावथायखौ चेंचसाइड www.treps.gov.in आव मोनो हागोन। सिनियर डिइर/टिआरडि/रडिया सा-सान्जा सिमाना रेलवे सिनियर वायगिरिफोरनिमिस सिबिबाय

जाथायाव भुगिनांनय डाक्टरनि बिमा-बिफाया बृहस्पतिवारखालि कलकता हाइकर्टआव गोदाने आर'जलाइ थिसनो। बिसोर सोलिनाय बे केसखौ नायबिजिरनायाव गोजोनै फोरमायो आरो बिजिरसालिखौ गोदाने नायबिजिरफिन्नो थाखाय बिथोन होनो खावलायो। जास्टिस तीर्थकर घषआ बिमा-बिफानि उकिलखौ बुडोदि, बियो सिबिआइखौ आर'जलाइनि बाहागो बानायनांगौ आरो समबारखालि बे केसखौ बिजिरसालिआव दिन्थिफिन्नांगौ। आथिखालाव बे केसखौ सिबिआइआनो नायबिजिरगासिनो दड। बे

केसआ थानाय 9 आगस्टआव सोमजिदोंमोन। सुलुंनि बादिब्ला, सियालदह कर्टआ तांनय 13 डिसेम्बरआव आरजिकार मेडिकल कलेज एन्ड हस्पिटालनि बारग' सुपारिन्टेन्डेन्ट सन्दीप घष आरो तला थानानि बिबानगिरि अभिजित मन्डलनो बे केसआव जामिन होदोंमोन। बिसोरखौ बेनि थाखायनो जामिन होदों, मानोना सिबिआइआ बिसोरनि हेँथाये 3 दाननि आइनारि सम सिमाननि गेजेराव जेबो अजदलाइ थिसन्नो हायाखैमोन। घषनि सायाव बे केसआव साखिफोरजों बेले-

सनानि बेसेना दावखलायदों

गोगान दिल्ली, 19 डिसेम्बर: सनानि बेसेनफोरखौ बृहस्पतिवार फु'आव गोबां दावखलायनाय नुनो मोन्दों। फेडरेल रिजार्भआ बुधबारखालि मोनायाव गाहाय सुतनि हारआव 0.25 जौखोन्दो खम खालामनो फोसावदों। अदेबानि पेडनि मोन्दांनय बायदिल्ला, 2025 आव खेबने 0.25 जौखोन्दो खम जानो हागौ। गिबियाव



खेबने 0.25 जौखोन्दो खम जागोन होन्ना मोन्दांथिदोंमोन। नख'रि बाजारव दिने सनानि बेसेनखौ गोबां दावखलायनाय नुदों। जागायजेनाय फालांगियाव एमसिएक्स एक्सचेन्जआव 2025 नि 5 फेब्रुवारीयाव डिलिभारि जानो

गोनां सनानि बेसेना 0.96 जौखोन्दो एबा 733 रानि दावखलायनायजों लोसोंसे मोनफ्रोम 10 ग्रामाव 75,920 रानि ट्रेन्ड खालामनायखौ नुनो मोन्दों। अदेबानि 2025 नि 5 मार्चआव डिलिभारि जानो गोनां रुपानि बेसेना 2.39 जौखोन्दो

एबा 2156 रं दावखलायनायजों लोसोंसे मोनफ्रोम किल 'ग्रामाव 88,224 रंआव ट्रेड खालामनाय नुदों। नख'रि नुजाथिनाय बाजारव बुधबारखालि सनानि बेसेना दावखलायनायजों लोसोंसे बन्द' जादोंमोन। हादतनि राजथावनि दिल्लीनि सराफा बाजारव 24 केरेट सनानि बेसेना 200 रं दावखलायनायनै मोनफ्रोम 10 ग्रामाव 79,100 रंआव बन्द' जादों। बबेखानि, 99.5 जौखोन्दो सनानि बेसेना 200 रं दावखलायनायनै मोनफ्रोम 10 ग्रामाव 78,700 रंआव बन्द' जादों।

आफगानिस्तानआव लामानि गिखंथाव जाब्रबथायजों सा 50 सुबुंनि जिउ खहा

गोदान दिल्ली, 19 डिसेम्बर: आफगानिस्ताननि खोला-सान्जा बाहागोयाव जानाय मोन्ने लामानि जाब्रबथायजों दोहो सोमजिदों। सरकारि बुंथिगिरिया बृहस्पतिवारखालि बेनि सोमोन्दै खौरां होनाने बुडोदि, बे मोन्ने जाथायाव सा 50 सुबुंफोरा जिउ गोमाबाय आरो सा 76 सुबुंफोरा जोखोम जादों। अदेबानि बुधबारखालि हराव काबुल-कान्धार हाइवेयाव गंसे दावबायारि बासआ थावनि टेंकारजों सोग्रावदों। गुबुन ओन्सोलाव बे हाइवेयावनो गुबुन मोनसे जाथायावो जादों। काबुल-कान्धार हाइवेयाव आफगानिस्ताननि रजथावनिखौ खोला फारसेजों सरजाबो।



गजनि ओन्सोलनि सरकारि बुंथिगिरि हाफिज उमराआ मिबथि होयोदि, जोखोम जानाय सुबुंफोरखौ गजनीनि देहा फाहामसालियाव थिसन्नाय जायो। गोथै सहफोरखौ

नखर'फोरनो गथायना होनो थाखाय लाहार-फाहार खालामगासिनो दड। जाथायाव गोब्राबै जोखोम जानाय सुबुंफोरखौ काबुलआव रेफार खालामनाय जाबाय। थैनाय

सुबुंफोरनि गेजेराव आइजोफोर आरो गथ'फोरबो दंफायो। आफगानिस्तानाव गात्रि लामाफोर आरो गारि सालायग्राफोरनि सांग्राथि गैथैनि जाहोनाव लामानि जाब्रबथाया सरसन्सा बाथ्रा।

No. BDB/Tender/46/2023-24/ 3614 Date: 19/12/2014

SHORT NOTICE INVITING TENDER.

Sealed tender affixing a non-refundable Court fee stamp of Rs.8.25(Rupees eight & twenty five paise) only with a validity period of 180 days which will subsequently be converted and drawn up in the printed of F-2 form are invited from the registered contractors of class-I (A, B & C), Class-II & Class III category of Assam PWD (Roads & Building) and BTC according to their eligibility for submitting tenders for the works under MCLAD Fund(SOPD) Under the WPT & BC Dept. BTR during the financial year 2024-25 as stated below. The tenders will be received by the undersigned up to 2.00PM on 10/1/25 and will be opened on the next date (as on 13/1/25) & place at 2.30 PM.

Sl.no.	Name of activity.	Estd. Value (in Lakhs)	Tender Value (in Lakhs)	EMD/Bid Security. (in Rs.)	Cost of Tender paper (in Rs.)	Pre-bid date and Time.	Last date & time of bid submission.	Date & Time of bid opening.	Time of completion of Work.
1.	"Const. of Prayer house for Laxhi Mandir at No. I Khagrabari".	4,00,000/-	3,96,000/-	4,000 For ST/SC, 8,000 For Gen./Enterprise	120	21/12/24	10/1/25	13/1/25	3 month

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 21/12/24 to 13/1/25 up to 1.30 PM. In the office of the undersigned on payment in the form of demand draft/bankers cheque from any Nationalized Bank, duly pledged in favour of the Principal Secretary, BTC Kokrajhar payable at Kokrajhar.

IPR(BTC)/C/2024-25/1140

Sd/-Block Dev.officer
Block Development Officer, Bhergaon

No.KDB-448/2023-2024/10725

Dated Gurufela the 18/12/2024

NOTICE INVITING TENDER

Sealed tender affixing a non-refundable court fee stamp of Rs. 8.25 (Rupees Eight and twenty five rupees) only with a validity period of 180 days, which will subsequently be covered and drawn up in the printed of F-2 form are invited from the registered contractor Class-I (A, B, C) & Class-II Categories Assam P&RD and BTC, according to their eligibility for submitting tenders for the works under SOPD-G fund for the year 2024-25 as stated below. The tender will be received by the undersigned upto 2.00 PM of 08/01/2025 and will be opened on same day at 3.PM.

Sl. No.	Name of Work	Location	Estimated value (Rs. In lakh)	Cost of bid document	Amount of bid security	Time of completion
1	Repairing & Renovation of West Gardenpur Community Hall at Gardenpur	Gardenpur	Rs. 19.00 L	0.03%	SC/ST=1% OTH = 2%	3 months

Details N.I.T may be seen in all working days during office hours in the office of the undersigned tender will be issued to the contractors of their authorized agent from 19/12/2024 to 08/01/2025 in the office of the undersigned on payment in the form of demand draft/banker's cheque from any Nationalized bank, duly pledged in favour of the BDO, Kachugaon Dev. Block, Gurufela.

IPR(BTC)-2023-24/1141

Sd/-
Block Development Officer,
Kachugaon Dev. Block, Gurufela

मुगाखौ सिनायदो

नै बर' फिसाफोर
बे मुगाखौ सिनायदो
नायदो मेगन
थाइनेखौ बेखेवना
नखब्ला जानांगोन
थैजो लोमसावना थैनि बाना
गोथैनि बारि
बे मुगायाव रावबो मालाय गैया
हारि मोनसेनि
गावजो गाव बिदा फंबाय
सिनायदो हाल्ला नामा ?
बर' हरिया
गावजो गाव बिदा फंबाय
दानलाय-सुलाय बुथारलायनाय
गोमालांबाय बर' हरिया
गावनि हारिनि सिनायथि
नागारनो हमबाय गावनि
हारिनि गान्नाय जोमनाय
बोखांनो हमबाय गुबुन हारिनि सिनायथि
सिनायदो बर' फिसाफोर मुगाखौ
सोर हौवा-सोर हिन्जाव होन्नानै
सोरखौ बे मुगायाव सिनायबावनो ?
गोमालांबो हमबाय बर' हरिया
जोगाबाय गुबुन हारिया
नाथाय बे बर' हारिनि मुगाया !

- बारहुंखा नार्जारी

जिल्ला: कक्राझार बिटिसि आसाम

नोंसोर साथामबो

नोंसोर साथामबो दिनै थादोंसे
जयै मेहेर महिनाइजो
सिनाइथि नोंसोरनि आंगो साथामनि
बैसागो-बारदै-मिथिंगा सिख्ला
सेथियाव नोंनो मुगानि फिसाजो
रंजालि बैसागो सिख्ला
नैथि बिलोगो जटायुनि फिसाजो
बाबेन बेफेन फेग्रा बारदै सिख्ला
थामथि नोंसोरनि बुहुम फिसाजो
गुस्लाइसुलि मिथिंगा सिख्ला।
आय' बाखोनाइख' हायि नोंसोर साथामबो
ब्राइयै समाइफ्लेनाइ रंजासि
बारदै सिख्लास नों ! फुल्लि महरखौ गुस्लाय होयो।
मिथिंगानो गोदान गानहोयो
अखां सोगोमसार नोंनि गोमनाइजो
नों मोन्दांथि होयो
रंजासुलि बैसागोनोबो गोबोंयाव दुबुर
खुसिखौ बजब होयो।
बिदिनो मिथिंगा सिख्ला सोमखोम गाबाव
नों रंगिनि गोबों लाहोयो।
बोसोरखौ महिनाइ गाव नुहोनाइजो
मलाइमल गेले होयो।
रंजाली बैसागोनो रंजालि देंखोनि
हाजासे बिथोन होफैयो।
आरो बैसागो सिख्ला ! नों हान्जा लाबाय
बारदै-मिथिंगा सिख्लाजो
गोदान बोसोरनि हायनारी देहाजो
थोजासे थंखि लानाय
हगार सारफेयो नोंसोर दुंबुर गोबोंखौ
हाबिला मानिबा लाफाना
बेवनो सोंमुलाआ आंबो बर' बिमानि
फिसा जाना सोंनो लायो
नोंसोर आयथा जिउनि खोथाखौ मोगथाडव
थालाइन बुफुया बालानो
रावआरि सुबुनि गोसो जिउयावल'
मानो मोन्दांथि होलाडे ?
बेखाइनो आर'ज आनि नोंसोरनिसिम
जेब्लाखि जैरेखि थादोला,
थेवबो बर'नि रंजानाइ बोथोराव
जयै बोसोरै फेदोल'
आय फेयोबोला साफ्रामनि जिउ सोलेरजो
बजब जागोन नोंसोर साथामबो।

मुषि मुनीन्द्र बसुमतारी

गामि- अग्रं पाखेरीगुरि (आलावरि)

बिजनी चिरां

स'ना

स'ना नों आनि
बिखानों जिउनि
नोंबो आंखौ दानागार
आंबो नोंखौ नागारा।
नोंनो आनि जिउ स'ना
आं मिथिखागौ स'ना
नोंहा गुबुन मोजां मोन्नाय दंखायो
थेवबो आं नोंखौ नाजायो,
बेखौनो थार मोजां मोन्नाय बुडे स'ना
नों आंखौ दावाउलां अनजालि
दिनैनि बिबार गाबोन्नो सिरिनाय
दिनैनि रादाय गाबोन्नो बावलांनया
दाजासै स'ना नों.....।
नोंखौ नेनानै दं स'ना.....।

जहस बसुमतारी
कारिगाव (बाजार)

बे जोनोमाव

सानबायमोन गोसोआ आनि
नों रजेखोन्नो जुलि लानो।
नों रजेजोन्नो आनि
जिउनि दिडखौ जावगारलांनो
सानाखिसैमोन बे जोनोमाव
गुबुन अनजाली नाइगिरनो।
नों रजेखोन्नो आनि गोबोंया
अराय समनि थाखाय जोजबबायमोन।
नाथाय बियो आनि गोसोनि कलप'नासोमोन।
मोकथाडव आं बै रजेजो
गोबां बोसोर मोजां मोनलाय बोदों
गोसो थोलाय बोदों।
मेगनजो मेगन गोसोजो गोसो।
सानफ्रोमबो नुलायोमोन ब्लाबो
सानफ्रोमबो रायज्जलायोमोन ब्लाबो
खुगायाव सानैजो गैलायामोन
मोजां मोन्नायनि गोसो थोनायनि राव।
आदि बै रजेखौ बेसेबादि
गोसो गोथारै मोजां मोनबोदों
गोसो थोबोदोंमोन
नाथाय बेखौ रावबो मोनथिया।
गसाइनाव आरज गाबोमोन आं
नोंनि आनि मोजां मोनलायनाया
गोसो थोलायनाया।
अराय सम गोसो सिडव थाबाय थाथों।
नाथाय मा खालामनो ?
सुबुनि सामफ्रोमबोनि सान्नाय
बायदि गासैबो सोलि जोबा।
बावआ नख बावगार नांबाय
आं बे जोनोमाव नों रजेखौ।
गोसो सिंजो मोजां मोन्नाया
गोसो थोनाया गोसो सिडववो थाफिनबाय निजोमै।
जीउआव नों रजेआ थार लामाजो
दावबाय लांनो हाथों।

कनौस काजी

जिल्ला- कक्राझार (बि.टि.सि.)।

आंनि सिमां

रोजाबनाय दाव मैनासि बादि
बेसेदि मिलौदो रावमोन नोंनि
बिरहानाय सिखिरि बादि
बेसेदि समायनामोन नोंनि महर मुप्पिआ
समायना बिबार बागान बागान
बेरायनो लासै लासै थाबायलांदोंमोन।
जिरि जिरि बोहैनाय दैमा सेराव
जिराय हैदोंमोन, दानदिसे उनाव
नाथाय हरखाबनों बबेवबा
आंखौ नागारना गोमालांदोंमोन।
सानदोंमोन आं अब्लाबो-
दं जानांगौ बबेवबा खाथियावनो
बेखायनो नागिरदोंमोन
नाथाय खाथियाव गैया नों,
नोंनि मुंखौ मखना गाबजिदोंमोन
आरो गोबारै राव होनाय।
लोगो लोगोनो आं सिरि मोनखांबाय
बबेयाव दं थाल खालामबाय,
अब्लासो आं आन्दाज मोनबाय
दोंसे सिमांसो उन्दुनाय समाव नुदों।

मिच क्लारा खाख्लारी

आमलाइगुरि एम.इ. स्कुल

गामि- हालांबाजार

हांमा दादोनलां

आंखौ नों हांमा दादोनलां सना
आंखौ नों हांमा दाख्लामलां
दुखु दाहा हांमा समाव
नुयोबोला सना नोंखौ बारनाय समाव
स्रां गोजोन मोनो अमबासि दुखु जिउआव।
आय' बारनाय नों समायना गलाब बिबार
मा मैया माया महरा नोंनि
हायना गोनं मुजिनाय नोंनि
अन्थाव-खुदुमथाव,
बिखायाव अराय बज'बना लाबाय थाथाव-थाव
नाथाय मा माया जिउआ नोंनि
अराय सम थाबाय थाया दादिसेनि
दुखु नांथाव बोदोर जाथाव
नोंनि बे बायदि दिनैनो बारनाय
गाबोन्नो ज्रय सिरिलानायाव।
फुं बिलिनि सान जारा समाव
गावलां-गावथां बिबाराव
बेरे सिखिरिआ बिबारायनानै नोंनि बिखायाव
बानानै बिदै सोबो जेब्ला
मिथिया सना दं आं बबेयाव अब्ला।
आय ! ओइ गलाब बिबार सना
बारनानै नों दा सिरिलां
आंखौ नों हांमा दादोनलां।

रहिला बाला बसुमतारी
लां:सो: - बिथमुरी
जिल्ला- कक्राझार (बि.टि.सि.)।

रंजालि गथ'फोरनि सौरा

जिख्लाबसे खन्थाइ

आदा बासिराम
दा बासिनो सिख्लाफोरखौ मिसा मिसि,
महर मोखां नायै नायै।
महर मोखां जाहोया
आखल आखु गैयाब्ला।
गैयाबोला बुदधि
जानाय नंया धोनि
जिग जिग मावनायजोलं।

सनिया बसुमतारी

ककिला बनरगाव, बिस्वनाथ

सोरानि लामायाव मैगिलहाबबाय

सानफ्रोमबो खोमसिजो दावहा नानानै
सोरानि जॉनायखौ मोनो जिउआव,
बे जिउयादि जेबो जाहोन गैयाबालानो
आदि खनले-खनले सायख'बायो।

औ नांगौदि आरो नांथारगौ जेब्लाबो-
आं आनि आधिंखव गसंथाना थानो,
आं आनि खोमसि मेगनखौ गुनु खालामनो,
लुबैलिया आडे थोंजोयै हान्थिबावनो।

नांगौदि आंनो सुंद' आरो गुसुं लामासो
जेराव बेफोर दावबायथिलिया बुहुमानोखा
थरमोन हाजोन्नो सोरजिनाय आनि जिउ
हास्थायोदि उदाडैबै आगादिनफ्राय।

निन्द्र बसुमतारी

खाशिखत्रा (कुमगुरि),चिरां

जबान

हायाब्ला अखा
दा खोरोमसै नों जोमै !

दुडब्ला सानदुं
दा सोरांसै नों मुलुग !

थाइआब्ला फिथाइ
दा बारसै नों बिबार !

बाराब्ला मानदार बिबार
दा गाबसै नों दाव खौवौ !

गैयाब्ला मोगथां
दा आवग्रि हरसै नों मिजिं !

राजिब दैमारि

बाक्सा

उदांसिया बयनिबो

समान मोनथायनि समान उदांसि
दंबयहाबो बुहुमाव जोनोम मोन्ना
रावबो खमसिन बांसिन नख,
जों बयबो रोखोमसेयेनो
मानसि माहारिसो।
जोंखौ गोरा दौलेंजो
रावबो खाबथानानै लाखिआखै
गोनांथि गैया गावजोंगाव
दावराव दावसि, एना-एनि जानायनि।
दानि बे बुब्लियाव
बिदिन्थाया जोंनो दिन्थिआखै,
दरजा खोरखि गैयै न'आव
एरसोनानै थाबाय थानो।
जोनोमखौ लादों जेब्ला-
मानसि माहारिनि महरैनो
मावनांगौ हाबाफोर दं जोंहा जिउजोबजासिमाव,
सागलोबनानै दं मानसि माहारिजो
मावजानांगौ बुहुमाव गोबां हाबाफोर।
गुलाय-गुजाय खामानिखौ
स्र' थख-थख खालामलांगोन,
गोबां हारि-हारिसाफोरनि गेजेराव
गोरोब लायनानै जों खौसेयै थालांगोन-
गंसे मम बाथिनि सोरांखौ जों
बर' माहारियावबो लगायनांगोन
बिर गलांगोन जोंबो उदां दावफोरबायदि
नाथाय, फानजारी सिडव नख।
गादबनानै दा दोन जोंखौ
जोंबो गाम्बारी सिख्ला, बिरगोप्पि सिख्ला
डिडु सिख्ला मोनबादि बिमा माहारिनि।

मिस रैरुप बसुमतारी

इ.ए.ए. एकाडेमि

जिल्ला-कक्राझार

सोरनि गोरोन्थि

सोरनि गोरोन्थि
नोंनिना आनि गोरोन्थिया ?
गोसोआव गोबां सोंलु सोमजिदों।
गोरोन्थिया सोरनि
नोंनिना आनि।
नाथाय नैबे आनि बिखाया खावनै जाबाय
नोंनि नंखाय अननायजों फान्दाय जाना
आनि गासै लानाय सिमाड लाथिख' जाबाय
आनि मिजिंफोरा हाथ'ब्ला जाना बिरगारलांबाय।
मानोथो फैनयायमोन नों आनि जिउआव
मा गोनांथिमोन नों आनि जिउजो गेलेनो
मानो नंखाय अननाय होनायमोन नों आनो !
अ'.....
नोंथ' आनो गोथार अननायखौसो होदों
आंसो नोंनो नंखाय अननायखौ होदों !
नाथाय नैबे आनि नोंखौ अननाया नंखाय नखमोन ,
नोंखौ आं बेसेबा फागला बायदि मोजां मोनोमोन
नाथाय नों बैफोर अननायखौ बुजियासै।
गोरोन्थिनि फिथाइखौ नोंनो होला
जानो हागौ आं नोंनो नांगो बायदि
अननायखौ होनो रोडाखे जानांगौ
बेखायनो गोरोन्थिखौ आनो रुजुननोसे।

दैथुन बसुमतारी

खामारदैसा गोजौ फरायसालि,
बाक्सा

बे

बे
बिजाब
माखाखौ
मानि थाखाय
सिथलायाव गारहर जोबखो नों आयै

बे
आफा
दिहुनाय
खन्थाइ बिजाब
बिदि मानो खालाम बायखो नोंलाय

बे
बादि
खालामनो
अननाय साननाय
गैमाराथारा नामालै नों आया

बे
बादि
खालामबाय
थाबा नोंखौ
संसारि मानसिफोरा मा होनगोन

बे
बादि
खालामबाय
थाबा नोंखौ
सावगौ बुनाय नख मानसिफोरा

-रैदोम बर', बाक्सा

फैमाल मिजिं

सानदोंमोन आं नों अनजालिजो
रुजु रमु राइजो जानो,
नाथाय दिनै फैमाल जाबाय आं,
दानदिसे साया-माया
गोमोर लांफिन बाय नों आनि सेरजो।
नोंनो फास नोंनो लास
आंनि सिमां जिउजो
बावबाय नामा नों बै समाव।
गोसो खानाय बेयाव,
नोंहा सतबांसानि.....।
सना नाथाय दिनै गोबोनि थैया,
दुंखावनानै सहायनो हायैआव-
बे खन्थायखौ लिरनाडे
आं सना
बे खन्थायनिफ्राय आ नोंनो
बुनांगौखौ.....बुंहरबाय
सना.....।
आर इउ फरगेद
सना
आइ लाभ इउ।

श्री उत्तम कुंगुर नार्जारी

जि.के. एकाडेमी द'तमा

गामि: बेरगुरि

कानाडाया आमेरिकानि 51थि राइज्यो जायोब्ला सुबुंफोरा मुलाम्फा जागोनः डनाल्ड ट्राम्प

वाशिंग्टन, 19 डिसेम्बरः आमेरिकानि गोदानै सायख' जानाय डनाल्ड ट्राम्पआ बुधवारआव कानाडाखौ थांखिना सोंखारिदों। बे समाव बिथाड बुडेदि, कानाडाया आमेरिकानि 51थि राइज्यो जानायनि सायाव सान्नागौ। बे बायदि थांखिजों टेक्सआ कम आरो सान्थियारि रैखाथिनि गेजेरजों कानाडान सुबुंफोर मुलाम्फा जागोन। गोबां कानाडानफोरा बे बिथांखिखौ हेफाजाब होगोन। सशेल मिडियाआव मोनसे पस्टआव ट्राम्पआ लिरदों, रावबो फिनाय होनो हायादि, जों कानाडानो बोसोराव 100,000,000 डलारनि बांसिन साब्सिडीखौ मानो हरो? बेनि जेबो ओंथि गैया। गोबां कानाडानफोरा



कानाडाखौ आमेरिकानि 51थि राइज्यो जानानो हास्थायो। मख'जाथावदि, ट्राम्पनि बेबायदि राइज्योआरि महैरे बिबुंथि होनाया गिबि खेब नड। बिथानि बायदि बाथ्राखौ खायसे सुबुंफोरा गात्रिबो मोनो। बे सप्ताहयाव

लेगार पाब्लिक अपिनियन सार्भेआव सोराडव फेदोंदि, 13 जौखोन्दो कानाडानफोरा गावसिनि हादतजों खोला नसुंसेजों सरजाबनाय थांखिखौ हेफाजाब खालामो। सानसे सिगां डनाल्ड ट्राम्पआ

कानाडानि रांखाथि मन्थि आरो लेडइ गहाइ मन्थि क्रिस्टिया फ्रिलेन्डनि बिबान नागारनायनि उनाव कानाडानि खुंथायाव थानाय पार्टियाव नुजाथिनाय जेनाफोरनि सायाव बिबुंथि होदोंमोन। ट्राम्पआ कानाडानि

लुसियानाआव गिबियै सुबुंनि देहायाव बाई फ्लु पजिटिभ मोन्दों

वाशिंग्टन, 19 डिसेम्बरः आमेरिकानि लुसियानाआव सासे बेरामि सुबुंनि देहायाव एन्सुएन्जा (बाई फ्लु) नि गोब्राब इन्फेक्सन मोन्नायनि उनाव बिखौ फाहामसालिआव थिसनो। बेयो इउएएआव मोन्नाय गिबि सुबुंनाव मोन्नाय बाई फ्लु पजिटिभ केस। बेखौ लाफानानै 2024 आव इउएएआव बाई फ्लु पजिटिभनि केसआ 61 जाहैबाय। बेरामि होबथाग्रा आरो सामलायग्रा मिरु (सिडिसि) आ बुधवारखालि बे खौरांखौ होदों। सिडिसिनि बादिब्ला, बेरामिआ हाजायाव बेरामि आरो थैनाय दावफोरनि सोमोन्दोआव फेदोंमोन। थानाय शुक्रवारआव बे केसआ सोराडव फेदोंमोन। बेरामिनाव एच 5 एन 1



भाइरासआ डि 1.1 जीनटाइपनिमोन। बे जीनटाइपखौ बावैसो सिगां इउएएआव ग्रागानि दावफोर आरो न'आव फिसिग्रा दावफोरनाव आरो वाशिंग्टन राइज्यो आरो कानाडानि ब्रिटिश कलम्बिया राइज्योआव रिपट खालामनाय सुबुंफोरनि केसआव मोन्दोंमोन। डि 1.1 जीनटाइप

बि 3.13 जीनटाइपजों गोरोबो, जायखौ डायरि फार्मनि मोसौ, माखासे पल्टि दावफोरार आरो मेगननि बेरामि बायदि माखासे लोखोनफोरखौ सुबुंनाव सिनायथिनो हादों। देहा बिबानगिरिफोर बुंदों, सुबुंनिप्रय सुबुंनाव गोसारनायनि रोखा फोरमानखौ दासिमाव मोन्नाय जायाखै।

माउन्ट हरमनआव इजराइल सान्थिखौ डिउटिआव थिसनबाय



जेरुजालेम, 19 डिसेम्बरः मलान हाजोफोरनिफ्राय 10 कि:मि: सिगांथि माउन्ट हम्पानआव इजराइलआ दखल खालामना लाबाय। बे ओन्सोला इजराइलनि बेखनआव थानाय ओन्सोलनि सिगांथि सिरियान हायाव

बानायनाय बफार जननि बाहागो। गलान हाजोफोरवबो सिरियानि बेखनआव फेयोमोन, नाथाय 1967 नि दावहायाव इजराइलआ बेखौ दखल खालामना लादोंमोन आरो आथिखालाव बेयाव आर'ब सुबुंफोरजों इजराइलनि

इहुदिफोराबो थायो। आमेरिकानि हादतगिरि महैरे डनाल्ड ट्राम्पआ 2018 आव बे ओन्सोलखौ इजराइलनि बाहागो होन्ना फोसावदोंमोन, नाथाय मुल्गनि बांसिन हादतफोरा बेखौ इजराइलनि आइन बेरेखा दखल खालामना लानाय होन्ना बुडे। थानाय 8 डिसेम्बराव सिरियानि राजथावनि दिनश्कआव इस्लामिक बिग्रायारिफोरा दखल खालामनायाव बफार जनजों नांजाबनाय सिरियान सान्थि पस्टआव थिसननाय सान्थिफोरा खारलाडे। बेनि उनाव इजराइल सान्थिया टेंकफोरखौ लानानै माउन्ट

हरमन ओन्सोलाव हाबहैयो। सौदि आरबजों लोगोसे गुबुन आर'ब हादतफोरा इजराइलनि दावहा खालामनायखौ सोंखारिदों, अब्ला इजराइलआ बुंदोंमोनदि, ओन्सोलाव जेबो जेना जायैनि थाखाय सान्थि या सिरियान ओन्सोलाव हाबदों। नाथाय थानाय मंगलबाराव इजराइलनि गहाइ मन्थि बेन्जामिन नेतन्याहुआ बैयाव सौहैना इजराइलनि थांखिखौ रोखा खालामो। इजराइलनि रैखाथि मन्थियाबो बुंदोंदि, जेब्लासिम गोनांथि जागोन अब्लासिम बैयाव इजराइल सान्थिया थागोन।

रासिया-इउक्रेन दावहायाव दासिमआव सा करियानि सा 100 सान्थिफोरनि जिउ गोमाबाय

कीयेभ, 19 डिसेम्बरः साकरियानि सान्थिफोर रासियानि फासै जानानै इउक्रेननि हेंथायै दावहा नांगासिनो दड। बेनि गेजेरजों रासियानि कुस्क ओन्सोलाव सा करियानि सान्थिफोर थैनायनि खौरां मोन्नाय जादों। सुलुंनि बादिब्ला, बेयो गिबि खेब जादों, जेब्ला सा करिया सान्थिफोरनि खहा जानायनि सुलुज सोराडव फेयो। थानाय अक्टबर दानआव खौरां मोन्दोंमोनदि, सा करियाआ रासियानि सान्थिखौ गोखों खालामनो थाखाय सा 10,000 सान्थिफोर दैथायहरदों। इउक्रेननि



सान्थियारि संगालि एजेन्सि (जिइउआर) आबो बुंदोंदि, उइकेन्डआव दावहानि समआव खमैबो सा 30 सा करियानि सान्थिफोरनि जिउ गोमादों। थानाय बुधवारखालि इउक्रेननि हादरगिरि भलदिमीर जेलैस्कीआ मोनसे भिडिअ शोयार खालामनानै दाबि दैखांदोंदि, रासियानि सासे सान्थिआ इउके ननि हेंथायै नांनाय दावहायाव थैनाय सा करियानि सान्थिफोरनि गोथै सहखौ अर

लागायनानै होदों। सुलुंनि बादिब्ला, सा करियानि सा 200 सान्थिफोरा कुस्क सिमना ओन्सोलाव थैयो आरो जोखोम जायो। मख'नो गोनांदि, इउक्रेन आरो रासियानि गेजेराव 3 बोसोरनिफ्रायनो दावहा सोलिगासिनो दड। आथिखालाव दासिमबो बेनि जेबो राहा ओंखारनाय नुनो मोनाखै। सुलुंनि बादिब्ला, रासियाआ कुस्कआव दावहानि मिरुआव सा करियानि

सान्थिफोरखौ बाहायदों। थानाय 2022 आव मस्क'नि इउके ननि सायाव गाग्लोबनायनि उननिफ्राय सा करिया आरो रासियाआ गावसोरनि सान्थियारि सोमोन्दोंफोरखौ गोखों खालामदों। थानाय जुन दानआव प्यंयां आरो मस्क'नि गेजेराव मोनसे जासिमिनारि रैखाथि रादाइआ बे दाननि ज। ग। य। य। व फोसावजायो।

इजराइलआ अमनआव हुति उतखारिफोरनि केम्पफोरखौ नोजोर होदों

दुबाइ, 19 डिसेम्बरः इजराइलनि सान्थिफोरा गोहोफोरनि सायाव दावहा नांगासिनो दड। गाजाआव हमास, लेबाननआव सिरियाआवबो इजराइलनि गहाइ बिफाव लानायखौ नुनो मोन्नाय जादों। एसेबां गोहोफोरनि बेखनसेयावबो इजराइलआ यमनआव हुति उतखारिफोरनि केम्पफोरखौ नोजोर होदों। इजराइलआ बृहस्पतिवारखालि फु डव यमनआव उरां जाहाजजों गाग्लोबदों। उरां जाहाजजों गाग्लोबनानै इजराइलआ हुति उतखारिफोरनि माखासे केम्पफोरखौ सिलिंखार



खालामदों। इजराइलनि सान्थिफोरा बुंदोंदि, बिसोर यमनआव उतखारिफोरनि एन्टेरिम आरो बेरियारि मोननैबो बाहागोनि केम्पफोराव

गाग्लोबदों। आथिखालाव बिसोर गाग्लोबनायनि सोमोन्दै गुवारे खौरां होयाखै। सान्थिआ बुंनाय बादिब्ला, बिसोर गावसोरनि नोगोरारिफोरनि

थाखाय सोमजिनाय गासै अलखदफोरनि हेंथायै खामानि मावनायखौ सोलिहोबाय थागोन आरो जेराव गोनांथि जागोन बेयाव अपारेसन

खालामगोन। हुति उतखारिफोरा गाग्लोबनायफोराव राजथावनि सना आरो जाहाज गाथोन सहर हुदेदाखौ नोजोर होनाय जादों होन्ना सिगाडाव बुंदोंमोन। बेनि सिगां हुति उतखारिफोरा गेजेर इजराइलखौ नोजोर होनानै मोनसे मिसाइल गावहरदोंमोन, जायनि उनाव तेल अभिभ आरो गुबुन ओन्सोलफोराव सायरेन गाबनो हमदोंमोन। इजराइलनि सान्थिफोरा बुडेदि, बिसोरनि अख्रंमा सान्थिआ यमननिफ्राय गावहरनाय मोनसे मिसाइलखौ हादरआव हाबनायनि सिगांनो होबथानानै सिलिंखार खालामो।

आमेरिकायाव दैदेनगिरिफोरनि गावनि फिसाफोरखौ वर्कप्लेसआव लाबोनाया बांबोदों

गोदान दिल्ली, 19 डिसेम्बरः आमेरिकायाव आथिखालाव गावनि गथ'फोरखौ वर्कप्लेसआव लाबोनाय कालसारआ बांबोनो हमदों। डनाल्ड ट्राम्प खुंथायनि दैदेनगिरिआ बेखौ फल' खालामदों। माखासे सान सिगां आमेरिकान उद्यगपति एलन मास्कआ केपिटेल हिलआव गावनि 4 बोसोरनि फिसाज्लाखौ लाफानानै थानांमोन। बेरापारसै भारतीय फोलेरनि रिपब्लिकान दैदेनगिरि आरो उद्यगयारि भिबेक रामास्वामीआबो मोनसे प्रग्रामआव गावनि फिसाज्ला कार्तिकखौ लांफादोंमोन। बे प्रग्रामआव डनाल्ड ट्राम्प, जेम्स डेभिड भेन्सजों लोगोसे गोबां रिपब्लिकान दैदेनगिरिफोर दडमोन। बेयाव ट्राम्पआ रामास्वामीनि फिसाज्ला कार्तिकजों बाथ्राबो सावरायदों। कार्तिकआ आमेरिकान निउज प्रेजेन्टर हेगसेथजों लोगोसे पुशआपबो खालामदों। रामास्वामीआ ससेल मिडिया साइटआव गावनि फिसाज्ला



आरो ट्राम्पनि सावगारि शोयार खालामनानै आं जॉनि 47 थि हादरगिरिनि बागै मोनसे बाथ्राखौ साबसिन मोनो आरो बेनो जादों बिथाड उन्दैफोरखौ जोबोद अनो। बेराफासै पुशआपनि भिडिअ शोयार खालामनानै रामास्वामीआ लिरदों, जॉनि डिफेन्स सेक्रेटारिआ मिथिगौदि, लाइमोनफोरखौ माबोरै थिसन्थाय होनांगौ। कार्तिकआ दिने गोदान लोगो मोन्दों। मोनसे ससेल मिडिया पस्टआव ट्राम्पआ खुंथायनि दैदेनगिरिफोरनि गथ'फोर आरो

फिसाफोरजों सेबखानाय सावगारिखौ शोर खालामनानै मेसेज होनो नाजादोंदि, आमेरिकायाव वर्कप्लेसआव उन्दैफोरखौ लानानै फेनाया सरासन्हा जाबोनो हमदों। पस्टनि के प्सनआव लिरदों, मुल्गनो बिबि दिन्थिनाया गोनांथि दड, जायजों नोंथाड गेदेमाबो जादों आरो नख'रनि सोद्रोमाबो। मेक फेमिली ग्रेट एगेन। बे पस्टखौ रिपस्ट खालामनानै रामास्वामीआ लिरदों नख'रानो गुदि।

मिज'राम सरकारआ गं 3 बेंकफोरजों रादाइलाइयाव मुंसाइलायदों

आइजल, 19 डिसेम्बरः मिज'राम सरकारआ राइज्योनि गहाइ बना कैह (हेन्डहल्टिड) यजनानि गेजेरजों मुलाम्फागिरिफोरनो लन एबा दाहार होनो थाखाय बुधवारकालि शेयारि बेंकफोरजों लोगोसे गोरोबथायाव मुंसाइलायो। गिबि मन्थि लालदुहमानि नुजाथिनायाव आइजलआव गं 3 शेयारि बेंकफोर एस्बिआइ, मिज'राम ग्रामिन बेंक (एमआरबि) आरो मिज'राम क-अपारेटिभ एपेक्स बेंक लिमिटेड (एमसिएबि) जों एमएआव मुंसाइ होयो। थानाय 19 सेप्टेम्बरआव गिबि मन्थिआ बेखेवनानै होनाय बना कैह यजनानि थांखिआ रांखाथियारि जौगानाय आरो गावनि आथिडव गसंथानायखौ बांहोनायनि थाखाय डिजाइन खालामनाय थांखिआ हाबाफारिफोरनि गेजेरजों राइज्योनाडै उद्यगयारिफोर आरो आबादारिफोरनो रांखाथियारि मदद आरो हेफाजाब होनाय। बे बिथांखिआ इउएनि गोखों जौगाखां थांखिफोराव बिमा होयो। मख'जाथावदि, शेयारि बेंकफोरनि गेजेरजों मुलाम्फागिरिफोरनो 50 लाख रॉनि लन होनाय जागोन। सरकारआ आथिखालनि नेसनेल क्रेडिट गेरेंथि यजनाफोरनि गेजेरजों बेफोर बिथांखिआ लननि गेरेंथि महैरे खामानि मावगोन। जाय मुलाम्फागिरिफोरा थि समाव एबा नेमखांथि बादिदैये गावसिनि



दाहारखौ सुख'गोन बिसोरो 100 जौखोन्दोसिम इन्टरेस्ट साबभेसननि थाखाय गुन गोनां जागोन।

(1 बिलाइनिफ्राय)

(1 बिलाइनिफ्राय)

(1 बिलाइनिफ्राय)

आसाम बिधान सभानि बुंथिगिरि बिस्वजित दैमारी दैदेनाय थान्दै हान्जाया कक्राझार-...

जथुमनानै एमएलएफोरा गोबां बाश्राखौ मिथिबाय। आसाम बिधान सभानि बुंथिगिरि बिस्वजित दैमारीआ आसाम बिधान सभानि जथुम्माखौ कक्राझारव खुंनो लानायखौ मोनसे जारिमिनारि बाश्रा होन्ना मख'नानै बिथाड आसाम बिधान सभा जथुम्माखौ खुंनो थाखाय जाय लुफुंथायनि गोनांथि बेयो बिटिसियाव थोजासे दंक्लाबो नाथाय कारिकरि बिथिडव मावनो गोनां दं। बेखौ आसाम बिधान सभानि कारिकरि हान्जाया मावफुंगोन होन्नाने बिथाड दाबि खालामो। गुबुन फासैथि, बिधान सभानि बुंथिगिरि बिस्वजित दैमारीनि दैदेनायाव कक्राझारआव दावबायफैनाय आसाम बिधान सभानि सा 25 सोद्रोमानि थान्दै हान्जाखौ प्रमद बर'आ तुंबुदयै बरयनानै आसाम बिधान सभानि जथुम्माखौ सानसेनि हाबाफारिजो कक्राझारआव खुंनो गोनां आयदाया जारिमिनारि होन्नाने फोरमायो। बिथाड बे जथुम्मानि गेजेरजो जां गोबां बाश्राखौ सोलोनो हागोन होन्नाने फोरमायो। बिथाड गिबि मन्थि ७ हिमन्त बिश्व शर्मानि गोजान नोजोरिथियारि सानसिखौ साबायख'र जासिनानै बुडेदि, बिथानि दैदेनायाव गुबुन गुबुन हारि-माहारिनि फाफ्रोमहो जाँगथायनि थाखाय गोबां राहाफोर लादों। लोगोसे बिथाड आसाम बिधान सभानि जथुम्मा खुंनो गोनां अक्ट'खौ गोसो गुदुडै नेबाय थादों होन्ना फोरमायनानै बुडेदि, बिधान सभानि थान्दै हान्जाखौ लानानै सरलपारा नायगिदिहैनानै बुंथिगिरि बिस्वजित दैमारीआ गुबुन गुबुन जायगायाव लामा लुनायाव गुबुन गुबुन अजद दैखांबाय थानायनि थाखाय बिथामोनहा सरलपारा नायगिदिहैनानै थार सावगारिखौ नायनो फेदों। बेबायदिनो भाटुनि सरभांसिम थानाय लामाखौ नायगिदिदों। बिथाड बे लामाखौ थाबैनो लुफुंजागोनखौ मिजिथिनया फोरमायो। बिथाड चापागुरिनिफ्राय कयला मयला आमतेकानि लामाखौ लुनायाव बेले-बेजे जादों होन्ना फोरमायनानै बेनि जेनाखौ सुसोनो थाखाय राहा लागोन होन्नाने फोरमायो। मख'नो गोनांदि, कक्राझार दावबायफैनायनि जोबथायाव बिधान सभानि थान्दै हान्जाया चिरांनि बिआरिपएल टाउनसिपनि सावराय न'ब्लाडव बिफानारि बिबानगिरि आरो जिल्ला खुंथायजों सावराय मेल जथुमो। सावराय मेल जथुमनायनि उनाव खौरं बिजोनि सिगाडव बुंथिगिरि बिस्वजित दैमारीआ बुडेदि, कक्राझारनि बिसमुनिफ्राय सरलपारासिम थानाय लामाखौ लुनो थाखाय 28 कौटि रं हमनाय जादों। दासान्दि टेन्डर होनाया मावफुं जादों। बेनिखायनो बाडइ समनि गेजेराव लामा लुनायनि खामानिया जागायजेगोन। गुबुन फासैथि, सामथायबारिनिफ्राय हातिसारसिम थान्ना लामानि शान्तिपुरनिफ्राय भुटानसिम थानाय गात्रि लामाखौ लुनो थाखाय 25 कौटि रं हमनाय जादों होन्नाने खौरं बिजोनि सिगाडव फोरमायो। बे बायदिनो बडाइगार सापागुरिनिफ्राय भुटानसिम आसाम लामा लुमा लुनायनि सालाय सुलु लानानै बाडइ समनि गेजेरावो लुनाय खामानिखौ आबु खालामोनो होन्ना लोब्बा गोनां बिबानगिरिया खोथा होदों होन्नाने बुंथिगिरि बिस्वजित दैमारीआ फोरमायो।

बाक्सानि आवहातायाव मबाइल टावारनि ...

टावारिआ गात्रि जादों होन्ना सौंथि दैखानानै फन खालामनायाव सन्देह जायो आरो टावारनि गोजोंआव सानै सिखावफोरखौ नुनो मोनानै हालाय-हाफाय थासारि सोमजियो नख'रिनि गेजेराव। हरनि 2 रिगासोयाव नख'रिनि सुबुंफोरजों लोगोसे साखाथिनि सुबुंफोरा मिबथि मोननायाव सानै सिखावफोरा खैफोदाव गोरलैयो। मख'नो गोनांदि, राइज्योफोरजों बुजानो गिनानै हरव मबाइल टावार सायवनो सानै सिखावफोरा हरसे थादों। फारसेथि, सिखावफोरखौ गाहायाव ओंखारबोनायखौ नेनानै नख'रिजों लोगोसे साखाथिनि सुबुंफोरा हरसेनाडै नेथ'बाय थादों। जायनि उनाव जाथायसालियाव सालबारि थानानि पुलिस, अर खोमोरा हान्जानि मावसुमाफोरा फैनायाव टावार गोजोंनिफ्राय सानै सिखावफोरा ओंखारबोयो। हरनिफ्राय बिसोर सानै सिखावफोरखौ नेबाय थानाय राइजो-रजाफोरा खुदिरिखानानै पुलिसनि सिगाडव बिसोर सानै सुबुंफोरखौ गालोबदों। जायगानि राइजो-रजाफोरनि अजद बादिदै हरनि 12 रिगासोयाव सोरखा सुबुड गारिजों बिसोर सानै सिखावफोरखौ दोनफेदोंमोन। मख'नो गोनांदि, हमजानाय सानै सिखाव मुफिदुल इस्लाम आरो आशादुल आलिआ माखासे टावारनि मुवा-बेसादफोरखौ खावनाय जाथायाव लोब्बा दडमोन होन्ना मिबथिनो मोननाय जादों।

मानासनि लावखार ओंखाम जाग्रा थिलिखौ ...

मानिनौ सोलिनो थाखाय बयखौबो कावलायहरो। दिनेनि लावखार ओंखाम जाग्रा थावनिखौ बेखेवनाय हाबाफारियाव सालबारि रेन्जनि बिबानगिरि बाबुल ब्रम, मानास जिप साफारि आफादिनि नेहाथारि बाबुल ब्रम, सालबारि जिल्ला एबिएमसुनि आफादिगिरि आबुल लतफजों लोगोसे माखासे गागि सुबुंफोरा बाहागो लायो। मख'नो गोनांदि, मानासनि नारायनगुरि लावखार ओंखाम जाग्रा थावनियाव दावबायारिफोरा गुबुन गुबुन खाबुफोरखौ मोनो हागोन। दावबायारिफोरा राफिट खालामनायजों लोगोसे गराइयाव गाखोनानि खाबुबो मोनो हागोन। लावखार ओंखाम जाग्रा थावनियाव जाहाथे गोजोन थासारिखौ लाखिलाडे बेनि थाखाय सानफ्रोमबो गोबां भलेन्टियासफोरा लावखार ओंखाम जाग्रा थावनिखौ नायगिदिगोन। लावखार ओंखाम जाग्रा थावनि सामब्लाय आफादिनि बिबानगिरिया मानासनि नारायनगुरियाव थानाय लावखार ओंखाम जाग्रा थावनियाव हाबनायनि थाखाय गंफ्रोमबो गारिनि बिथिडव हाबनायनि मासुलखौ थि खालामनाय जादों। बे बायदिदै बासनि बेसेना 500 रं, ट्रेभेलारनि बेसेना 400 रं, उडंगार-मेजिकनि बेसेना 300 रं, गावयारि साखा खबन्ने गारिनिफ्राय 200 रं आरो इ-रिक्सानिफ्राय 100 राडै मासुलखौ थि खालामदों। मख'नो गोनांदि, मानास माहारियारि जिप साफारि नेहाथारि बुबुल नाथआ लावखार ओंखाम जाग्रा थावनि बेखेवनायनि बिथिडव बिटिसि सरकारनि सायाव दाय होनानै बुडेदि, थानाय बोसोरनि रुजुनायाव बे बोसोराव लावखार ओंखाम जाग्रा थावनि बेखेवनाय सम सिमनाया गोबां सम फावसाय जादों जायनि थाखाय अक्टबर-नभेम्बरनिफ्राय मानासआव फैनाय लावखार ओंखाम जाग्रा हान्जाफोरनि थाखाय जायगानि आंखालाव लावखार ओंखाम जाया लासेनो गिदिंलाफिनो गोनां जादों होन्ना फोरमायनानै दावबायारिफोरा मानासनि समायना मिथिगायारि नुथायनि गेजेराव बेकि दैमनि सेराव लावखार ओंखाम जानानै रंजनाय लानो मानासनि नारायनगुरि लावखार ओंखाम जाग्रा थावनियाव दावबायफैनो खावलायहरो बुबुल नाथआ।

तामुलपुर जिल्ला एबसुनि 2थि बोसोरसालिया...

बेखेवनाय, गाहाइ सायनासालि बेखेवनाय हाबाफारिखौ मावफुनायजों लोगोसेनो बड'फानि मुसुखायाव बिबार बावजेन्नाने तामुलपुर बियाबनि एमएलए जलेन दैमारीआ बुंथियोदि, आथिखालाव बड'फानि सिमां आरो सानसिखौ मावफुंनो थाखाय दुलाराय बर' फरायसा आफादजों लोगोसेनो जोनि मेलेमजिबि सानथौगिरिफोरा खामानि मावगासिनो दड। बड'फानि सानथौ आरो सानसिनि मोन्थोरजों दुलाराय बर' फरायसा आफाद आरो बर' माहारियारि आफादफोरा गोखों खामानि मावबोनायनि थाखायनो आथिखालाव गासै बर' माहारिआ बुहुमावनो मिथिसारजाबाय होन्ना बुंथियो। बेजों लोगोसेनो आथिखालाव बनसुआ आलादा राइज्यो बड'लेण्डनि थाखाय फिन सोमावसारफिननायनि बागैबो माखासे बाश्राफोरखौ बुंथिदों एमएलए जलेन दैमारीआ। बेनि अनगायैबो तामुलपुर जिल्ला एबसुनि आफादिगिरि बानेस्वर नाज्जिआ दिनेनिफ्राय जागायनाय तामुलपुर जिल्ला एबसुनि 2थि बोसोरसालिया जथुम्मा आरो 37थि बोसोरसालिया तामुलपुर दख'रा एबसुनि हाबाफारिनि बागै फारि-फारियै फोरमायथियो। बे जथुम्माया थारैनो जोबोद मेहेरगोनं जागोन गाहाइयै सोलंथाइनि फारसे नोजोर होनाय, आइजोफोरनि जिड खुंनया राहा आरो आबादारि बिथिखौ लानानै गुवारै सावरायनायजों लोगोसेनो बायदि रोखोमनि हाबाफारिजों गाजा-गोमजायै खुंफुंनय जागोन। गेवलां मेलनि समाव गाहाइ आलासि महैरि मिरु एबसुनि आफादिगिरि दिपेन बर', मेलनि बेखेवगिरि महैरि बिटिआरनि गाहाइ मावफुंगिरि प्रमद बर', बर' थुनलाइ आफादिनि गाहाइ नेहाथारि निलकान्त गयारि, बिथामोनजों लोगोसेनो गोबां आलासिफोरा बाहागो लागोन होन्ना मिबथिहोयो तामुलपुर जिल्ला एबसुनि आफादिगिरि बानेस्वर नाज्जिआ।

खौरांगिरिफोरखौ टियारि गेस गावनायखौ ...

इयुनाव बेबायदि खामानिफ्राय गासैबो हान्जाया जानगाराव थानानै खौरांगिरिफोरनि रैखाथिखौ रोखा खालामनो सरकार आरो पुलिस खुंथायनिफिसि दाबि दैखाडे। पुलिसनि टियारि गेस गावनायाव जोखोम जानाय खौरांगिरिफोरा थबेनो देहा थासारिया मोजां जाफिननायनि थाखायबो आफादिनिफ्राय अर'ग जावदों।

खौरांगिरिनि सायाव पुलिस हान्जाया अनागारि ...

सौंखारियो। बेनि अनगायैबो रडिया सहरनि गेजेराव थानाय महात्मा गान्धीनि मुसुखानि सिगाडव ज' जानानै खौरांगिरिफोरा गोखों सोमावसारो। खौरांगिरिफोरा आखाइ आखाइ बेनार, पस्टार लानानै खौरांगिरिफोरखौ गाम्लोबनायखौ बन्द खालाम, आससाम पुलिसनि अनागारिया सोलिनय नड, आसामनि गुबुन गुबुन जिल्लायाव खामानि मावनाय खौरांगिरिफोरखौ रैखाथि होनांगो बायदि स्ल'गानजों गोखों सोमावसारो।

बासुगावआव गिख्रंखाव लामानि जाब्रबथायाव सानै लाइमोननि..

कन्टेनर ट्राकआ एएस 19 थि 2005 नम्बरनि मटर साइकेलखौ सौंखालाडे। जाउनव मटर साइकेलाव थानाय सानै लाइमोनफोरनि जायगायावनो जिड गोमायो। गुबुन फासैथि, जाब्रबथाय सोमजिहोनानै लामा गेजेराव कन्टेनर ट्राकखौ गारनानै सालायगिरिया खारखुमा लाडे। जाथारनि बागै खौरं मोनानै पुलिस हान्जाया जाथायथिलियाव नुजाथिहैयो आरो गोथै सहखौ बोखानानै पस्ट मटैम अन्जादिनि थाखाय काजलगावसिम दैथायहरो। जाथायाव जिड गोमानाय सानै लाइमोनखौ काकारगाव भातिपारा गामनि डालिम सुत्रधर (21) आरो उलुबारिनि अमृत सन्यासि (18) होन्नाने पुलिसा सिनायथिनो हादों। मख'नो गोनांदि, थानाय बोसोसो सिगां बे जायगायावनो नेहालगावनि सानै सुबुड लाखिनानै दोननाय कन्टेनराव मटर साइकेलजों उननिफ्राय सौंख्रांफैनायनि जाउनव जायगायावनो जिड गोमादोंमोन। गुबुन फासैथि, थानाय हरव सोमजिनय बे जाथायखौ लानानै काकारगाव आरो उलुबारिआव दुखुनि सायखं सग्लोबदों।

सोर्जिलु फाइन आर्टस एन्ड मिउजिक एकाडेमिआ ...

मोनसे बेसेनाडै फोरंथाइ मावबादा खुंनो थांगासिनो। बिटिआ सरकारनि रंखाथि हेफाजाबजों कक्राझार सहरजों नांजाबनाय मैदेर खर'आव थानाय सोरां गोजौ फरायसालियाव 22 डिसेम्बर, 2024 निफ्राय 25 जानुवारि, 2025 सिम बे मावबादाखौ खुंनय जागोन। बेनिखायनो गोसो गुदु गथ' आरो लाइमोनफोरा बे फोरंथाइ मावबादायाव बाहागो लानानै बेसेन होनाड लासे क्लासिकल मोसानाय आरो सावगारि आखिनय एवा मुसुका बानायनायनिबो फोरंथाइ लानो हागोन। बे मावबादायाव रोंगथि गोनां फोरंगिरिफोरनि गेजेरजों थाखो 5 निफ्राय 10 थाखोसिम फरायसाफोरनो क्लासिकल मोसानायजों लोगोसे मुसुका बानायनाय एवा सावगारि आखिनयनि फोरंथाइ होनाय जागोन। बेनिखायनो जायफोर क्लासिकल मोसानाय आरो आरिमु आयदानि सायाव फोरंथाइ लानो गोसो बिथामोन बे बेसेन होनाड लासे फोरंथाइ बादायाव सोलंथाइ लानो हागोन। बांसिने मिबथिनोक्ला सोर्जिलु फाइन आर्टस एन्ड मिउजिक एकाडेमिनि नेहाथारि सनाजुलि ब्रह्मजों 8638056299 मबाइल नम्बरआव फोनांजाब खालामनानै खौरं लाहरो हागोन।

हिन्दु धोरमारिनि सुबुडा मोसौ बेदर जानो नागिरनायखौ ...

बायनानै गावनि न'आव लानानै संना जानो नागिरनायवनो बनि न'नि फिसाज्ला-नख'रारिफोरा हालाय-हाफाय थासारि सोमजिहोयो। ब्रजराज रासबंसिनि न'आव नख'रारि दावराव-दावसिनि थाखायनो बेबायदि रोखोमनि गोजोन गैथे थासारिया सोमजिदों होन्ना मिबथि मोन्दों। ब्रजराज रासबंसिया थानाय हरव बिसिजों नांज्लायनानै न'आव 250 ग्राम मोसौ बेदर लानानै फेदोंमोन। साखाथिनि मुसलमान हारिनि गामनि सासे सुबुंनिफ्राय मोसौ बेदरखौ ब्रजराज रासबंसिआ बायनानै लाबोदोंमोन। मोसौ बेदरखौ ब्रजराज रासबंसिआ संना नाजादोंमोनबलाबो सडखैमो। बेनि उनावनो नख'रनि सुबुंफोरजों लोगोसे जायगानि सुबुंफोरनि गेजेराव हालाय-हाफाय थासारि सोमजियो। फारसेथि ब्रजराज रासबंसिनि फिसाज्लया बासबारि पुलिस थानायाव बिफानि हेंथायै गांसे केस थिसननायाव जाथायसालियाव पुलिसआ फैनानै जाथायखौ मिबथिना लानायजों लोगोसे ब्रजराज रासबंसिखौ हमो। गुबुनफारसे ब्रजराज रासबंसिआ बुंदोंदि, गावनि बिसिया जेव्लायबो जौ, अमा बेदर जायो। ब्रजराज रासबंसिया मख'बावदोंदि, बैण्णब धोरोमारि जानायनि थाखाय माब्लाबो जौ आरो अमा बेदर जायाखै। बेनि थाखायनो बिसिखोबो होबथादोंब्लाबो बिसिया गावनि बाश्राखौ खोनासड। ब्रजराज रासबंसिया गावनि बिसिखौ जौ आरो अमा बेदर जानायखौ रगा जोंखानानै गावबो मोसौ बेदरखौ न'आव बायना लाबोबानै संना जानानै बियो गावखोनो बुथासना लानो थाथि लादोंमोन होन्ना खौरं बिजोडव फोरमायदों।

आं उन जोलौनि थाखाय मोनसे कर्मज्ञआव नांथाबदों, जायखौ उनजोलैया आसामखौ ...

गेजेरनिफ्राय मोन 65 बिबुंथिफोरखौ सोसनाय जादोंमोन। राइज्यो बेंगिरि लक्ष्मन प्रसाद आचार्यआ दिनें बेखेवनानै होनाय गिबि मन्थिनि बिबुंथि जथायनाय -3 आव गिबि मन्थि ७ शर्माआ 2023 माइथायनि 11 मेनिफ्राय सोलिफु बोसोरनि मे दानसिम गुबुन गुबुन जायगायाव होनाय बिबुंथिफोरनि गेजेराव मोन 70 बिबुंथि सायख'नानै सोसनाय जादों। दिनेंनि बे हाबाफारियाव राइज्यो बेंगिरि आचार्यआ गावनि बिबुंथियाव बिजाबखौ सिरि फोरंगिरि महैरि फोरमायनानै बुडेदि, बिजाब फरायनाया सासे सुबुंनि आकुथाइखौ सोलायो। राइज्यो बेंगिरि आचार्यआ बुडेदि, बिजाब सुजुनायनि गेजेरजों गिबि मन्थि ७ हिमन्त बिश्व शर्माआ सासे लोंग'सार राजखांथिगिरिनि अनगायैबो सोद्रोमथि गोनां थुनलाइगिरि महैरि ओंखारबोदों। डायेरि लिस्नाया मोनसे साहस गोनां खामानि होन्ना फोरमायनानै राइज्यो बेंगिरि आचार्यआ बुडेदि, गिबि मन्थि ७ हिमन्त बिश्व शर्माआ गुबुन गुबुन खामानिफोरनि गेजेरावबो बे बायदि बिजाब दिहुनानै फरायगिरि समाजसिम होनो हानाया बिथानि गोर्जोथिनि नेसोनं। राइज्यो बेंगिरि आचार्यआ रावनि बिबुंथियाव बुडेदि, गिबि मन्थि ७ शर्माआ बिथानि खामानिफोरनि गेजेरजों बाडइ समनि गेजेरावनो आसामखौ हादतनि गेजेराव मोनसे गोदान सिनायथि होनोहादों। गिबि मन्थि महैरि बिथानि खुंथाय समाव राइज्योया जाँगानायनि अनगायैबो राव-थुनलाइजों लोगोसे गुबुन गुबुन बिथिडव खामानि मावफुंजादों आरो बेयो बिथानि खामानि रोंग'थि आरो गोखों दैदेनायनि थाखाय जानो हादों। गुबुन फासैथि, बेनि लोब्बायै गिबि मन्थि ७ शर्माआ बुडेदि, दिनेंनि हाबाफारियाव नुजाथिनानै बिजाबफोरखौ बेखेवनायनि थाखाय राइज्यो बेंगिरि लक्ष्मन प्रसाद आचार्यनिफिसि साबायख'र जासिहरो। ७ शर्माआ बुडेदि, गिबि मन्थि महैरि बिबान आजावनायनि उनावनो बिथाड होनाय बिबुंथिफोरनि जथायनाय फोसावनयनि थाथि लादोंमोन आरो बे थाथिनि बिथायाव दासान्दि गांने जथायनाय बिजाबखौ बेखेवनाय जादों। गिबि मन्थिआ बुडेदि, गुबुन गुबुन थाथिजों होनाय बिथानि बिबुंथिफोरा गावयारि बिबुंथि नडामोन, बेफोर गुबैयै आसामनि गिबि मन्थिनि बिबुंथिसो। बेनिखायै सरसनस्रायै बे बिबुंथिनि गेजेरजों आथिखालनि राइज्यो सरकारनि आदर्श, थाथि आरो सरकार मा बायदिदै खामानि मावलांनो नाजादों बेखौ लानानैसो बेखौ फोसावनाय जादों। गुबुन फासैथि, गिबि मन्थिनि डायेरि-3 जथायनायनि सोमोन्दै गिबि मन्थिआ बुडेदि बे जथायनायनि गेजेरजों माखासे जाथायफोरखौ हमथाना लाखिनो नाजानाय जादों आरो बे जथायनाया इयुनाव जारिमिननि मोनसे फुंखायाव सोलायगोन। बेनि अनगायैबो बे जथायनाया इयुनाव गांसे आबु डायेरि लिस्नायनि लामायावो बेखेवजागोन होन्ना फोरमायनानै बिथाड बुडेदि बे लिस्नि फोरमायथिनि बिथायाव गोसो गुदुफोरा 50 बोसोर उनाव गोदान रिसासजों दावगालांनयाव फुंखा मोनो हागोन। फोरमायथाय आरो सुबुं फोनांजाब बिफाननि मन्थि पियुव हाज्रिकिआ बराय बिबुंथि होनाय दिनेंनि बे हाबाफारियाव साहित्य अकाडेमि बान्था मोगिरि गागि लिस्निगिरि आरो सादिन खौरं बिलाइनि सुजुगिरि अनुगुधा शर्मा पुजारि, श्रीमन्त शंकरदेब देहा बिगियान मुलुगसोलोंसालिनि भाइस चेन्सेलर ७ ध्रुवन्थि बराआबो बिबुंथि होयो। हाबाफारियाव राइज्योयारि मन्थि सभानि माखासे सोद्रोमा, एमएलए, सिफ सेक्रेटारि ७ रबि कतकिजों लोगोसे राइज्यो खुंथायनि माखासे गोजौ सारिनि बिबानगिरि आरो गुबुन गुबुन बिथिनि गागि सुबुंफोरनि अनगायैबो गिबि मन्थिनि बिमा मृनालिनि देबिआबो बाहागो लायो।

कंग्रेसनि 'राजभवन चल' हेंथा सोमावसारनाय..

सोमावसारगिरिफोरखौ नोजेर होनानै टियारि गेस गावनाय जाथायखौ आसामनि गामियारि खौरांगिरिफोरनि सोमावसारणा आफाद आसाम प्रेस कन्सेपन्डेन्स इन्डियन सुदयै 'आपकु' आ गोखोडे सौंखारिदों। दिनें आपकु मिरु आफादिनि आफादिगिरि स्वपन कुमर राभा, मावफुं आफादिगिरि मौसम ज्यति बैस्य आरो गाहाइ नेहाथारि शरत चेनसवामोनहा खौरं बिजोंसिम दैथायहस्ताय गांसे रादाव बिबुंसाराव गुवाहाटी नोगोरमनि जिल्ला खुंथाय आरो आसाम सरकारनि बेबायदि इनाय जाथायखौ सौंखारिनायजों लोगोसे राइजो-रजाफोरखौ रैखाथि होप्रा पुलिसनि गेजेराव मैया सोमजिनय जाथाया पुलिसनि पेसिस्ट सान्नाय-हनायखौ दिन्थिना होदों होन्ना मख'दों। गुबुन फारसे मैया पुलिसनि बेबायदि इनाय जाथायाव हेंथा सोमावसारगिरि दैदेनगिरि-मावफारियाफोराल' नड, हेंथा सोमावसारनाय जायगायाव खामानि मावनाय माखासे खौरांगिरि, भिडिअ जार्नेलिस्टआ टियारि गेस गावनायाव गोब्राबै जोखोम जानो गोनां जादों। जायनि थाखाय मुदुल इस्लाम मुनि सासे उखिल आरो कंग्रेस मावफारियाआ अबथिरयै जिड गोमानो गोनां जादों। सुबुंखांथिनि सोमावसारनायनि रावखौ बुजिनो नाजायै गिबि मन्थि ७ हिमन्त बिश्व शर्मा दैदेनाय राइज्यो सरकार आरो बिथानि नख'र बिफाननि बिबानाव थानाय आसाम पुलिस खुंथायखौ बेबायदि रोखोमनि हितलारि खामानिफ्राय जानगाराव थानो खौरांगिरि आफादआ फोरमायहरदों। बेनि अनगायैबो जिड गोमानाय मुदुल इस्लाम मुनि उखिलनि नख'रिनि राइज्यो सरकारनिफ्राय थि खहा सुफुंन होनायजों लोगोसे इयुनाव मावबिबानाव थानाय खौरांगिरिफोरनि रैखाथिनि थासारिखौ रोखा खालामनो आसामनि गिबि मन्थिनिफिसि आपकुआ दाबि दैखानों।

राइज्यो बेंगिरिआ 2024 नि साहित्य ...

हादों। गावनि हामब्लायथि रादावआव राइज्यो बेंगिरि आचार्यआ बुंदोंदि, बिथामोननि बे सनमान गोनां बान्थाखौ मोनो हानाया आसामनि थुनलाइ बिथिडव गोग्गानाय लाबोनो हाबावदों। बिथामोननि रोंगथि आरो थुनलाइ फोथाराव बिहोमा होनायजों दिनें राइज्योनि थुनलाइ फोथारा आरोबाव धोनिंसिन जादों। बिथामोननि बे सनमान गोनां बान्थाखौ मोनो हानाया थारैनो राइज्योनि थाखाय गोग्गाथाव। बेनि थाखाय आं बिथामोननिफिसि गोसो-गोर्बोनिफ्राय गाहाम हामब्लायथि बाडहरो होन्नानो राइज्यो बेंगिरि लक्ष्मन प्रसाद आचार्यआ गावनि हामब्लायथि रादावआव फोरमायो।

डिमाकुसिनि बरडाजुलि सत्रआव रुंसारि हरेकृष्ण आतानि 98थि जोनोम सान फालिदों

उदालगुरि, 19 डिसेम्बर: सिबिथाय, दिहा नाम, थिया नामजों बरडाजुलि सत्रनि लांगोनायाव मोनसे गोसो बोनो हानाय हाबाफारि खुंदों। सत्रधिकार हरेकृष्ण महन्त आताआ गायसन्नाय गिबि सत्र एवा बर' हारिनि सत्रधिकार थानाय आसामनि गंसेल' सत्रआ जाबाय बरडाजुलि सत्र। आसामनि गुबुन गुबुन गोथार सत्रफोरनि गेजेराव 1952 माइथायावनो गायसनजानाय उदालगुरि जिल्लानि गुबुन मोनसे सत्रआ जाबाय बरडाजुलि सत्र। बरडाजुलि सत्रनि रुंसारि आसाम सरकारनि कालिचरन बान्था मोनगिरि सत्रधिकार, उदालगुरि रत्न बान्था मोनगिरि, सत्रधुपन, भकत शिरमनि हरेकृष्ण महन्त आतानि दिनें 98थि जोनोम सान हाबाफारिखौ खुंनय जादों।



बेखौ लोब्बा लानानै फुं समाव नाम आरज, जोनोम सानखौ लोब्बा लानानै जुथाय नाम आरज, हरेकृष्ण आतानि सावगारियाव बिबार मान बाउनय हाबाफारि, दिहा नाम, थिया नाम बायदि दिन्थिनय

जादों। रुंसारि हरेकृष्ण महन्त आताया ओन्सोलनि गुबुन गुबुन हारि हारियानि गेजेराव गोरोबलायनायनि थासारिखौ गोखों खालामनो हरेकृष्ण महन्त आताखौ आसामनाडै जेब्लायबो मुंदांखायै


मिबथिसारहोनो श्रीमन्त शंकरदेब मिरु आफादिनि बान्जायनायाव गिबि खेबनि थाखाय आतानि जोनोम सानखौ लोब्बा लानानै दिनें बृहस्पतिबारखालि पुरि बिथानि बिबुंथिनि आफादिगिरि

कनिका पाठकनो बान्था गथायनाय जादों। भकत शिरमनि हरेकृष्ण महन्त आता बान्थायाव गामसा, सेलें-सादर, शराइ, मान बाउनय बिलाइ आरो 25 रोजा रानि चेक गथायनाय जादों। बारग' जिल्ला बेंगिरि आरो बान्जाय आफादिनि आफादिगिरि तानेश्वर मालाकरनि आफादिगिरि मासि सामलायनायाव खुंनय बान्था गथायनाय हाबाफारियाव बरडाजुलि सत्रनि सत्रधिकार निरुञ्जन बर', बरपेय सत्रनि सत्राधिकार ७ बाबुल चन्द्र दास, लक्षिमपुरनि सत्राधिकार नारायण अधिकार, बेलगुरि सत्रनि सत्राधिकार नारायण देव गस्वामी, हरेकृष्ण महन्त आताआ गायसन्नाय बरडाजुलि सत्रनि सिडाव थानाय गं 33 सत्रनि सत्राधिकारफोरजों गुबुन गुबुन ओन्सोलनि भकत-भैण्णबफोरा बाहागो लाफेदों।

गाहाम देहानि राहा

गोजां बोथोराव सानफ्रोमबो 1 घन्टासो थाबायोब्ला जर 'खा मुलाम्फा मोनो

गोजां बोथोर फैब्लानो सुबुंफोर जोबोर गाज्र जानो ह्यो। गोजां बोथोराव सुबुंफोर फ्राइद संनाय आरो गुदु आदार मोजां मोनो। एसेल' दै आरो गोबां आदार जानायआ लिर थाइ बांहोयो। गोजां बोथोराव सुबुंफोर लादु, गाजर, पराठा, पुरी आरो बायदि रोखोमनि बेसादफोर जायो। बेफोर गासैबो बेसादफोरखौ जानायवबो जोबोद गोथाव जायो, नाथाय बेफोर जिरादफोरजो नोंथाड मोनसे खामानि मावनांगोआ जाबाय गासै सानाव मोनसे देहायारि खामानि मावनाय। सानाव जायखि जाया रोखोमनि ब्याम खालाम नांगो। गोजां बोथोर एबा गोलोम बोथोराव थाबायनाया फिट थानो थाखाय बयनिखुइ साबसिन राहा होन्ना मानिनाय जायो। फुंनि थाबायनाया सावसिन थाखाय साबसिन नाथाय गोजां बोथोराव फुडव थाबायनो गोत्राव जायो। गुसु सानफोराव सानफ्रोमबो खमै ब्लाबो 1 घन्टा



थाबायनांगो। देहाखौ गुदु जानो 15-20 मिनट लायो। बेनि उनाव फ्राय 45 मिनटनि गोखै थाबायनांगोन। बेबादिनो, 1 घन्टा थाबायनायाव 7-8 रोजासो आगानफोरा आबुं जायो। साननि आद्रा थानाय खामानिफोरजो, नोंथाड 2 रोजा आगानफोरखौ आबुं खालामो। 1 घन्टा थाबायनायनि गोजेजो नोंथाड 10,000 आगानफोरखौ गासै सानाव फोजोबनो हांगोन। गोजां बोथोराव 9-10 रिंगायाव थाबायनाया साबसिन जागोन। सानदुडव थाबायनाया देहायाव दुंथाय लाबोयो। फुंनि सानदुडव थाबायनाया देहायाव भिटाभिन-डि होयो। नोंथाड जायखि जाया

समावनो बेलासिन 4-5 रिंगासिम थाबायनो हांगोन। देहा फाहामगिरिफोरा गुसुआव फुंनि थाबायनो थानायनिफ्राय गोजानाव थानो सुबुरुन होयो। थामहिनबा, नोंथाड फुडव थाबायनो नाड। गोजां बोथोराव फुंनि 4-5 रिंगायाव थाबायनो दाबाव। बेयो बे समनि बयनिखुइ गुसुसिन सम। जोनि देहायाव थैनि गोखैथियाबो फुडव लासै जायो। बेसमाव थाबायनाया सावसिन खहा खालामनो हांगो। फुडव थाव सिखासनाय आरो गोजां बोथोराव थाबायनो थानाया बिखायाव गोजो थै नारसिनथाय आरो नारसिनथायनि खेफेदखौ बांहोयो।

पान्जाबि वेब सिरिजनि फावखुंगुर दिलराजखौ ग्रेप्टार खालामदों

हारियाणा नि पन्चकुलानि थगिबि दिलराज आरो इन्द्रजित सिंहनि गेजेराव मोनसे डिल जादोंमोन। डिलनि गेजेरजो इन्द्रराज सिंहआ 42 लाख रंनि सोलायै दिलराजखौ कानाडानि लामाजो आमेरिकायाव सौहैहोगोन। 10 लाख रं एडभान्स होनांगोन आरो खामानि जोबनायनि उनाव 32 लाख रंखौ होनो गोनोमोन। अदेबानि माखासे सान उनाव इन्द्रजितआ दिलराजखौ मिबधि होयोदि, गासैबो थियारि जाबाय आरो बिथाड 8 डिसेम्बरखालि मोनायाव गावनि फैनो गोनो जायगानि थाखाय दावबायनांगो। एयारपर्ट पुलिसनि बायदिब्ला, 8 डिसेम्बरखालि टर्मिमेल थिनि बाइजोआव दिलराज आरो इन्द्रजितनि गेजेराव आरोबाव खुनसे लोगो हमलायनाय जादों। बे लोगो हमलायनायनि गेजेरजो इन्द्रजितआ दिलराजजो बिथानि पासपर्ट आरो मोनसे एयार टिकेट होयो। दिलराजआ जेब्ला एयार टिकेटखौ खुलिनानै नायो अब्ला बिथाडा डेस्टिनेसननि जायगायाव काठमान्डु एयारपर्ट लिनाय नुनो मोन्दोंमोन। दिलराजआ सानगोमानाय नोजोरजों



इन्द्रजितखौ नायो अब्ला बिथाड बुडोदि, बे टिकेटजों बर्डि गेटसिम फै, माखासे बाश्राफोरखौ बिथाड बेयावनो मिबधिहोगोन। बेनि उनाव दिलराजनि बेगेजखौ लानानै

इन्द्रजितआ एयारपर्टनि सिडव थाडो। दिलराजआ काठमान्डुनि टिकेटजों गिबियाव चेकइन खालामो, उनाव इमिग्रेशन चेकखौ आबुं खालामो आरो सिक्किउरिटि हल्ड एरियाआव

सौहैयो। एसएइचएआव फिन खेबसेवाव लोगो हमलायो। इन्द्रजितआ गावनि पासपर्ट, ग्रिन कार्ड आरो कानाडा थानो नागिरनाय फ्लाइटनि बर्डि पासखौ गथायो। बेनि उनाव

इन्द्रजितआ प्लाइटनि बर्डि पासखौ लानानै बेनिफ्राय थाडो। उनाव दिलराजआ प्लाइटआव बर्ड जायो आरो माखासे घन्टा दावबायनायनि उनाव कनाडयाव सौहैयो। कनाडा एयार पर्टआव इमिग्रेशन चेकनि गेजेरजों दिलराज आरो इन्द्रजितनि गेलेनाया हमजायो। सौलु खालामनायनि उनाव दिलराजखौ दिल्लीनि आइजिआइ एयारपर्टनि थाखाय डिपर्ट खालामनाय जायो। आइजिआइ एयारपर्ट सौहैनाय लोगो लोगोनो दिलराजखौ बेंखनाव लानानै आइजिआइआ एयारपर्ट पुलिसनो गथायो। सौलु खालामनायाव दिलराजआ गासै बाश्राफोरखौ पुलिसनि सिगाडव फोरमायो।

सलमान खाननि आखायाव आरोबाव मोनसे एक्सन थ्रिलार सावथुननि प्रजेक्ट नादों

बलिउडनि मेगा सुपारस्टार सलमान खानआ थानाय बोसोरसेनिफ्रायनो सिल्भार स्क्रिननिफ्राय जानगाराव थादों। बिथानि अन्साइगिरिफोरा फैगौ समाव माखासे बिथानि समायना सावथुनफोरखौ नायनो थाखाय नेनानै दं। जेराव साउथ सिनेमानि मुंदांखा डायरेक्टर ए आर मुर्गदासनि सावथुन 'सिकन्दर' नि मुंआबो दंफायो। गोबाव समनिफ्रायनो साउथनि सिनेमायाव दिहुनिगिरि एटलि कुमारजों लोगोसे सलमान खाननि फैनो गोनो सावथुनखौ लानानै सावरायनाया सोलिबाय थादोंमोन। बे बिथिंआव दा एटलिया गावनो गुबारे फोरमायो आरो मिबधि होयोदि, बिथानि भाइजानजों लोगोसे फैनो गोनो समाव मोनसे एक्सन थ्रिलारखौ



लानानै फैगासिनो देड। थानाय बोसोराव सलमान खाननि आंगो लोगो आरो सुपार स्टार शाहरुख खानआ एटलि कुमारजों लोगोसे जवान बायदि मेगा ब्लकबास्टर सावथुन होदोंमोन। बेनि उनाव बे बायदि खौरं खोनानाया बांनो ह्यो जे

सलमान खानआबो एटलिजों लोगोसे मोनसे सावथुन खालामनांगो, बेखौ लानानै गेजेराव आलादा-आलादा रोखोमनि खौरंआबो सोरंआव फैदोंमोन। पिंकविलानो होनाय मोनसे इन्टारभिडनि गेजेरजों एटलिआ मिबधि होयोदि, बिथानि सलमान खानजों जयै मोनसे सावथुन बानायनो नागिरदों, जेराव भाइजाननि महय सिगांनिखुइ आलादा जागोन। बेयो मोनसे मास-मसाला गोनो एक्सन थ्रिलार सावथुन, जायखौ अडियन्सफोरा जोबोद मोजां मोनगोन। जों सलमानजों जेब्ला मिर्टि खालामो अब्ला बिथानि थि समनिफ्राय 30 मिनट सिगां

सफैदोंमोन। बेनिखायनो बे बाश्रायानो थोजासेदि, बिथानि गावबो बे प्रजेक्टनि थाखाय जोबोद एक्ससाइटेड। बे बायदिनो एटलिआ सलमान खानजों लोगोसे गावनि सावथुनखौ लानानै रोखा खालामदों। मख'नो गोनांदि, फिल्ममेकार हिसाबै एटलिनि खामानि मावनाया गावनि केरियारनि बेयो 6 थि सावथुन जानो हांगो। एटलिजों लोगोसे बलिउडनि फावखुंगुर भरुण धवनआ माखासे साननि उनाव बेनि जान सावथुनाव नुजाथिगोन। अदेबानि 25 डिसेम्बरखालि क्रिसमासनि खाबुआव सिनेमा हलफोराव रिजिज खालामनाय जागोन।

सुरेश अबरयआ 400 रं लानानै मुम्बाइयाव फैदोंमोन

हिन्दी सावथुनफोराव माखासे औरैबायदि फावगिरिफोर दड, जायहा एक्टिनि सिगां गावनि सिनायथि जादों। बे फारिलाइयाव गिबिसिन मुंआ अमिताभ बच्चनआबो फैयो। बिथानि गारांखो दिने रावबो फेजेन्तो हाया। नाथाय बिथानि अनगायैबो माखासे रोखोमनि गारांफोरखो दड, जायफोरा बलिउडआव जर'खा जायगा आवग्रिनो हादों। बे बायदिनो मोनसे गारां दड, जायनि मुंआनो जादों, सुरेश अबरय। बिथानि गारांआनो बिथानि एक्टिनिफ्राय बांसिन गोसारना दिन्थिदों। सुरेश अबरयआ सावथुन मुलुगाव फैनाय समाव हिर' जानो गोनोमोन। नाथाय जागायनायाव बिथाड भिलेननि रल'खौबो खालामनाडो। उनाव गुबै सिनायथिखौ सापर्टि रलनिफ्राय बानायो। सुरेश अबरयनि नख'रा



पाकिस्ताननिफ्राय भारतआव फैदोंमोन। बिथाड गोबाव समसिम पान्जाबाव थादों उनाव बिथानि नख'रा हाइद्राबादआवबो थादों। नाथाय सुरेश अबरयआ सिगांनिफ्रायनो सासे फावखुंगुर जानो लुबैयोमोन। बेनिखायनो बिथाड खालि 400 रं लानानैनो मुम्बाइयाव फैदोंमोन। जागायजेन्नायाव बिथाडा फिसा-फिसा रलखौनो खालामनाडो। माखासे रलफोरनि गेजेराव भिलेननि रलआबो अफार जायो। नाथाय बिथानि

गिलर गारांनि थाखाय हिर' जानायनि गारांआ गोदोनो ह्यदोंमोन। बबेखानि बे समसिमाव बिथाड गावनि एक्टिं आरो गावनि गारांजों गावनि सिनायथि बानायखांबायमोन। बेनिखायनो बिथाड सापर्टि रलखौबो मोनो। बिथाड सुरक्षा, कर्तव्य आरो कालापत्थर बायदि सावथुनफोराव सापर्टि रलआव खामानि मावदोंमोन। सुरेश अबरयआ 1980 माइथायाव फिन खेबसेबाव सावथुनाव खामानि मावदों। बे सावथुनाव

फावखुंगुर जेक गिलेनहालआ गावनि जोनोम सान फालिदों

एक्सन गोनो सावथुनफोरखौ साफ्रोमबो नायगिरिफोरनो नायनो मोजां मोनो। रमान्स-कमिडिफोरनिफ्रायबो बांसिन सुबुंफोरा एक्सन गोनो सावथुनफोरखौ नायनो मोजां मोनो। जों नोंथांमोननो सासे सुबुंनि सोमोन्दै मिबधिहोनो नागिरदों, जाय सुबुड गावनि एक्टिंजौल' नड, गावनि एक्सन



सावथुनफोरजों बो नायगिरिफोरनि गोसोआव एरैबायदि जायगा लानो हादों। सुबुंफोरा बिथांखौ स्क्रिनआव नायनो थाखाय औरैबायदि उसु-खुथु जायो। जों सावरायगासिनो दड जेक गिलेनहालनि बाश्रा। बे फावखुंगुरआ दिने गावनि जोनोम सान फालिदों। जेक गिलेनहालनि जोनोमा 1980 माइथायनि 19 डिसेम्बरखालि जादोंमोन। बिथाड हलिउडनि मुंदांखा फावखुंगुरफोरनि गेजेराव सासे, बिथाड गावनि एक्टिंनि केरियारखौ उन्दै बैसोआवनो 'सिटि स्लिकेर' निफ्राय जागायदोंमोन। अदेबानि फावखुंगुरनि नख'रआबो फिल्मि बेकग्राउन्डजों लोब्बा दंमोन। जेकनि बिफा स्टेफेन गिलेनहालआ सासे मुंदांखा डायरेक्टर आरो बिथानि बिमाया नाअमि फनेर स्क्रिप्ट राइटर। जेकआ गावनि रोंगोथि गोहोजों गावनि सिनायथिखौ खालामना लादोंमोन। 1990

माइथायनिफ्राय जेक गिलेनहालआ डनि डार्क, दा डे आफटार डमर आरो जारहेड बायदि गुबुन गुबुन सावथुनफोराव सासे गाहाइ फावखुंगुरनि बिफाव होदोंमोन। बिथाड 1991 नि कमेडि सिटि स्लिकर्सआव बिलि क्रिस्टलनि फिसाजलानि महराव गावनि गिदिर स्क्रि ननि दावबायनायखौ जागायदोंमोन आरो उनाव अक्टबर स्काइआव गावनि बिफाव होनायनि उनाव सिनायथि बानायनो हायो। जेकनि बांसिन मुंदांखा सावथुनफोरखौ मिबधि जायो। बिथाडा अक्टबर स्काइ, ब्रकबेक माउन्टेन, प्रिन्स अफ पर्शिया, लाभ एन्ड अदार ड्राम्स, नाइट बायदि साबसिन सावथुनफोराव समाइना एक्टिं खालामदों।

फावखुंग्रि मिना गणेशआ जिउ गोमाबाय



मालायालम सिनेमा नायनो मोजां मोनग्राफोरनि थाखाय 19 डिसेम्बरखालि फुंनि समाव मोनसे दुबुंथाव खौरंआ सोरंआव फैदों। सावथुनफोराव गावनि रोंग'थि एक्टिंजों जर'खा सिनायथि होनो हानाय फावखुंग्रि मिना गणेशआ बे बहुमखौ नागारनानै थांबाय। बिथानि गावनि सावथुननि केरियारखौ 1977 माइथायाव मणि मुजक्कम'जों लोगोसे जागायदोंमोन। मनरमा निउजनि सुलुंनि बायदिब्ला, बृहस्पतिबाखालि केरलनि मोनसे गावयारि देहा फाहामसालियाव मिना गणेशआ फाहामथाइ लाबाय थानायनि गेजेरावनो जिउ गोमायो। स्टूक जानायनि उनाव थानाय माखासे साननिफ्राय फावखुंग्रिनि फाहामथाइ लानाया सोलिगासिनो दंमोन, नाथाय बिथानि आ बेमारजों जुजिलायनायाव जेनो आरो देहा फाहामसालियाव जोबथा हं बोयो। मिना गणेशआ सासे मुंदांखा थियेटर आर्टिस्टबोमोन। बेल' नड, बिथानि एक्टिं केरियारखौ 19 बोसोर बैसोनिफ्रायनो स्टेजआव ऑखारनो जागायदोंमोन। मालायालम सिनेमाआव बिथानि आ माखासे गिदिर फावगिरि एबा स्टारफोरजों लोगोसे स्क्रिन शेयार खालामदोंमोन। बेवहाय कवाभवन मणि, पृथिवराज सुकुमारन आरो महनलाल बायदि फावगिरिफोरनि मुंआ दंफायो।

टम क्रुजआ माखासे सावथुनफोरनि थाखाय अमेरिका नेभिनि गोजौसिन मान मोनो हादों

'टप गन' आरो 'मिशन इम्पसिबल' नि स्टार फावखुंगुर टम क्रुजखौ आमेरिकानि दै सान्थि हान्जाया गोजौसिन नोगोरारि बान्थाजों मान होदों। एक्सन सावथुनफोरनि मुलुगाव टम क्रुजनि गिथावना स्टन्टफोरा गोबां मुहिथावनो जायो। हास्थायगिरिफोरा बिथानि थाखायल' टम क्रुजनि सावथुनफोरखौ नायनो फैयो। आमेरिकानि दै सान्थि हान्जानिफ्राय मान मोन्यायनि उनाव, हलिउड फावखुंगुरखौ मानो बे बान्थाखौ होनाय जादोंमोन बेनि सायाव समाजारि बिजोंआव मोनसे सावरायनाय जागायजेनो। एक्सन स्टार टम क्रुजनि सावथुनफोराव जोबोद गिथावना स्टन्टफोरा बडी डवल नड बिथाड बेखौ गावनो खालामो। बियो 'मिशन इम्पसिबल: घोस्ट प्रटकल' जा, जायनि थाखाय बिथाड बुर्ज खालिफानिफ्राय 1,700 फिट गोजौआव गाखोदोंमोन, जाय बै समनि बयनिखुइबो गोजौसिन बिल्डिंमोन, एबा 'मिशन इम्पसिबल: पाउलआउट', जायनि थाखाय बिथाड गंसे बिरखनिफ्राय 25,000 फिट गोजौनिफ्राय बाब्रुमदोंमोन। बे एक्सन स्टारआ बेबादि गोबां स्टन्टफोर खालामदों, जायखौ अनसायगिरिफोरा थियेटरफोराव नुनानै गोजेन्नाय मोनो। 62 बोसोर बैसोनि एक्सन हिरखौ गोबां सावथुनफोराव मोनसे गोखों फाव खालामनायनि थाखाय गोजौसिन नोगोरारि बान्था (टम क्रुज इअस्पेस नैभि अनार) जों मान होनाय जायो आरो बे जाहोननि थाखाय टमआ आथिखालाव सावरायजानाय आयदा जानानै दं। मोनसे रिपर्टनि बायदिब्ला, समबावखालि लन्डनआव खुंजानाय मोनसे हाबाफारियाव टमखौ मान होनाय जादों। बे सन्मानखौ बिथानो बिथानि सावथुन टप गन, बर्न आन दा ब्रैथि जुलाइ, ए फ्युज गुड मेन आरो मिशन



इम्पसिबल फ्रेन्चाइजीनि थाखाय होनाय जादों। मिबधिहोनाय जायोदि, हलिउड फावखुंगुरआ बेफोर सावथुनफोरनि गेजेरजों 'नेभि आरो मरीन क्रप्स'आव मोनसे गिदिर बिहोमा होदों। बेनि थाखायनो बिथानि दै सान्थि हान्जानि गोजौसिन मान होनाय जादोंमोन। आमेरिकानि नेभिनि नेहाथारि कार्लस डेल टर'आ टम क्रुजनो मेडेलखौ गथायदोंमोन। नेभिजों फोसावजानाय मोनसे बिबुंथियाव बुंनाय जादों दि, टम क्रुजनि सावथुनफोरा खसाव गान्नाय समाव रौनियाफोरनि बावसोमनायखौ दिन्थिदों, जाय सुबुंफोरनि गेजेराव रौनियाफोरनि फारसे सांग्राथि आरो सन्मानखौ बांहोदों। हलिउड फावखुंगुर टम क्रुजनो आथिखालनि समाव जेबो सिनायथिनि गोनाथि गैया। भारतआव बिथानि अन्सायगिरिफोराबो जोबोद गिदिर। बिथानिआ गावनि जिउ राहाखौ बोसोर 1981 माइथायाव सावथुन 'एन्डलेस लभ' जों जुरिजेनदोंमोन। थानाय 43 बोसोरनिफ्राय, फावखुंगुरआ मोनसेनि बांसिन नायथावना सावथुन होदों। जुनिया बाश्राया बेनोदि, बिथानि खामानिया स्टारफोरजों लोगोसे नायगिरिफोरनिफ्राय गोबां बाख्नायनाय मोनो।

ख' ख' वर्ल्ड कापनि गिबि बादायनाया भारत आरो पाकिस्ताननि गेजेराव जागोन

गोदान दिल्ली, 19 डिसेम्बर: ख' ख' फेडरेशन अफ इन्डियाआ भारतीय सुपर स्टार सलमान खानखौ ख' ख' वर्ल्ड काप 2025 नि ब्रेन्ड एम्ब्रायडर फोसावबाय। जेराव बे टुर्नामेन्टआ फेगौ बोसोरनि 13-19 जानुवारनि गेजेराव गोदान दिल्लीनि इन्दिरा गान्धी स्टेडियमआव खुंजागोन। बेनि सायाव नेसनेल प्लेयार ट्रेनिं के म्पनि समाववो रोखा खालामनाय जादों। जेराव फेडरेशननि आफादगिरि सुदांसु मिट्टल, गाहाइ नेहाथारि एमएस त्यागि, भारतीय हौवा आरो आइजो गेलेगिरिफोरनि अनगायै



कच आरो मिडियानि सोद्रोमाफोरा दडमोन। गिबियै खुंजानो गोनां ख' ख' वर्ल्ड कापआव दर 24 हादरफोरनिफ्राय मोन 21 हौवा आरो मोन 20 आइजोफोरनि हान्जाया बाहागो लाफैगोन। जेराव मुलुगनि गेलेगिरिफोरनि गेजेराव गोखौ सेलेन्ज होज्जायनायखौ नुनो मोन्तो

हागौ। फेडरेशननि आफादगिरि मिट्टलआ फोसावलाइआव भारत आरो पाकिस्ताननि गेजेराव बादायनायजों टुर्नामेन्टनि जागायगोनखौ रोखा खालामनायै दासिमावबो पाकिस्ताननि भिजानि आर'ज गाबनाया आबुं जायाखै होन्ना फोरमायो। जाउनाव पाकिस्तान हान्जानि भारतसिम सौफैगोननि रह्याखौ

बिथाड माखासे जेथो गोनां फोरमायो। जायनि जाउनावनो ख' ख'नि सिडिउलडखौ दासिमबो फोसावनाय जायाखै होन्ना रोखा खालामदों। बिथाड फोरमायनाय बादिब्ला, भारतीय अलिम्पिक एस'सिएसनआबो ख' ख' फेडरेशनजों आबुं मददरि महरै खुंफुंनायाव आखाइ होफगोनखौ फोरमायो। बोसोरफोमबो हौवा, आइजो आरो जुनियर केटेगिरि नेसनेल सेम्पियनसिपआ भारतआव खुंजायो। मख'नाय जायोदि, गिबि ख' ख' वर्ल्ड कापआववो भारतआ जासिमिनारि महरै हारिमायारि थाखोआव गावसोरनि गोखौ आगानखौ लाखिनो नाजागोन।

भिन्सियास जुनियर आरो बनमातिआ फिफानि साबसिन गेलेगिरि बान्थानि थाखाय सायख'जादों



महरै बे बान्थानि थाखाय सायख'जायखौ गोजेनाय फोरमायदों। जायनि थाखाय बिथाडा गाहाइ थाखोनि फुटबलखौ मोजां मोनग्रा लाइमोनफोरनि थाखाय गावखौ थुलुंगानि फु'खा जानो लुबैनायखौ फोरमायदों। स्पेननि मिडफिल्डर बनमातिआ लास्त्रियै नैथि खेब बेलन-डि-अर देरहानायनि उनाव बे बान्थाखौ देरहादों। बे समाव बिथाडा गावनि हाथिनायाव हान्जानिफ्राय मदद मोन्नायखौ फोरमायो आरो बेनि थाखाय क्लबा आरो लोगो गेलेगिरिफोरनिसिम साबायख'र ह्ये। मख'नाय जायोदि, बे बान्थानि थाखाय सा 11 गेलेगिरिफोरखौ नमिनेट खालामनाय जादोंमोन। जायनि उनाव सोलिफुकेपेनफोर, कचफेर आरो मिडियानि भटजों देरहागिरिफोरखौ सायख'नाय जायो।

माद्रिद, 19 डिसेम्बर: रियेल माद्रिदिनि स्टार भिन्सियास जुनियरआ फिफानि दा बेस्ट बान्थायाव बोसोरनि साबसिन हौवा गेलेगिरि महरै सायख'जानो हादों। बेरफासै बासिलनानि एयना बनमातिआ आइजो केटेगिरिआव बान्थाखौ देरहायो। 24 बोसोरनि भिन्सियासखौ गाख्खालानाया थांनाय अक्टबर दानआव मन्चेस्टर सिटिनि रडिआ बेलन-डि-अर बान्था देरहादोंमोन। बेनि हँथायाव भिन्सियास आरो माद्रिदिनि

हान्जाया पेरिसआव जालानाय बान्थानि हाबाफारिआव बाहागो लायाखैमोन। बे खेबआव रडिआ 5 पइन्टआव भिन्सियासनि उनाव जायगा मोन्दों। ब्राजिलनि फरवार्ड भिन्सियासआ फिफानि हाबाफारिआव बान्था लायनो सौहैदों। बे समाव बिथाडा बान्थानि थाखाय खुगानिफ्राय रावजों फोरमायनो हायै गोजेनाय फोरमायो। लोगोसे गोरिब नख'रारि थाखोनिफ्राय फेनाय महरै आरो आथिं गोजायै फुटबल गेलेबोनायनि फिथाइ

हान्जाया 29 मिनिटसिमआव 2-0 गलआव आवगायदोंमोन। बेल समाव रकेश दासआ मेचनि 27 मिनिटआव गल सोनायनि उनाव रहित हेमब्रमआ 2 मिनिट उनावनो हान्जानि स्करिखौ नैफान खालामो। बेनि हँथायाव बरेकुरिनि हान्जाया खोसेथियारि गोहोजों फोथारनि फाफोमथिबो स। म। ल। य। न। य। जे। आवगायफिन्दों। जेराव बे हान्जाया गिबि हाफनि स्टेफज समाव एल शानेइरनि गल सोनायजों आवगायफिन्दो हायो। नैथि हाफआव बरेकुरिनि हान्जाया गावसोरनि गोखों

गुवाहाटी प्रिमियर लीगआव चिरां दुवार आरो बरेकुरिआ देरहानायजों आवगायदों



गुवाहाटी, 19 डिसेम्बर: गुवाहाटी नोगोरमनि जाज फोथारआव गेलेनाय गोखों मेचनि सेलेन्जआव बरेकुरि एफसिआ आवगायफिनायदों आबुं पइन्ट आजिनो हादों। जेराव बे हान्जाया आसाम पुलिसनि हान्जाखौ 4-2 गलनि फारागआव फेजेन्नायै गावसोरनि गोखों आगानखौ लाखिफिन्दों। बे मेचआव आसाम पुलिसआ जागायनायाव देरहानाय हान्जाखौ दबथायदोंमोन। मानोना मेचनि गिबि समआव जेन्नांनाय

हान्जाया 29 मिनिटसिमआव 2-0 गलआव आवगायदोंमोन। बेल समाव रकेश दासआ मेचनि 27 मिनिटआव गल सोनायनि उनाव रहित हेमब्रमआ 2 मिनिट उनावनो हान्जानि स्करिखौ नैफान खालामो। बेनि हँथायाव बरेकुरिनि हान्जाया खोसेथियारि गोहोजों फोथारनि फाफोमथिबो स। म। ल। य। न। य। जे। आवगायफिन्दों। जेराव बे हान्जाया गिबि हाफनि स्टेफज समाव एल शानेइरनि गल सोनायजों आवगायफिन्दो हायो। नैथि हाफआव बरेकुरिनि हान्जाया गावसोरनि गोखों

गालोबनायखौ फारियै लाखियो। जेराव परग मरनआ गरनै गल सोनायै हान्जाखौ आवगायहोनाय उनाव लेटमिनलियान कमआ गरसे गल दाजाबनायै हान्जानि स्करिखौ नैफान खालामो। बे साननिनो गुबुन मोनसे मेचआव इनाइटेड चिरां दुवारआ जिप्लास एथलेटिक्स हान्जाखौ 5-1 गलआव फेजेन्ना हादों। बे समाव देरहानाय हान्जानि जानाये अनगुन नेकेन्गु जुनियरआ मेचनि 30, नयन कुमार डेका राभाआ 69, कौचिक दैमारिआ 81, तिमति नाज्जिरिआ 83 आरो फासै बे समाव तवानसवान लांसुयांआ मेचनि जोबथा बुब्लिआव थामहिनना 90+3 मिनिटआव गल सोदोंब्लाबो हान्जाखौ जेनायनिफ्राय रैखाथि होनायाव फेलें जाहैदों।



गुवाहाटी, 19 डिसेम्बर: गागि मुंदांखा गेलेमु खुंगिरि कालिकान्त बर'आ गोलाव सम बेसोयारि जेनायाव गोलैनाय उनाव गुवाहाटी नोगोरआव रंसारि जालाडो। बिथाडा आसामआव बक्सिनि फोथारआव गेलेगिरिफोरखौ जौगाहोनाय आरो थुलुंगा होनायाव गोबां बिहोमा होबोदोंमोन। गावनि मावनाय समाव बिथाडा बक्सिजों सोमोन्दोआव गुबुन गुबुन इभेन्टआव मैखोमै बाहागो लाबोदों। राइज्योआव बक्सिं इभेन्टफोरखौ बान्जायनायाव बिथाडा जर'खायै बिफाव लाबोदों। बिथानि नाजानायावनो राइज्योनि बक्सिंखौ मोजां मोनग्रा लाइमोनफोरा गोबां थुलुंगा मोनबोदों आरो माहारियारि फासै आवगायनो हादों। मख'नाय जायोदि, मोनसे समाव बिथाडा आसाम एमाचुर बक्सिं एस'सिएसनआव आफादगिरि महरै गोखोडै बिफाव लाबोनायनि अनगायै इन्डियन एमाचुर बक्सिं फेडरेशनआवबो रं दोन्थुमगिरि महरै बिबानआउं थाबोदोंमोन। बिथानि रंसारि जानायाव गोबां गेलेमु खुंगिरिफोर दुखु मोन्नाय फोरमायदों आरो आसामआव बक्सिंखौ गोजैफासै लाबोनायाव बिथानि बिहोमाखौ फोरमायो। लोगोसे बिथानि बे हाबाखौ हादरनाडै नो गेलेमुनि फोथारआव गोसलोआव लाखिलांगोनखौ फोथायनाय लाखिदों।

आर्सेनेल, लिभारपुल आरो निउकेसलआ इंग्लिस लीग कापनि सेमिफाइनलाव

लन्डन, 19 डिसेम्बर: आर्सेनेल, निउकेसल आरो लिभारपुलआ गावसोरनि मेचखौ देरहानायै इंग्लिस लीग काप फुटबल टुर्नामेन्टनि सेमिफाइनलाव सौहैबाय। गेब्रिएल जिसासनि हेट्टिक गलजों बेसिम सौहैनाय लामायाव आर्सेनेलआ क्रिस्टल पेलेसखौ 3-2 गलआव फेजेन्नायै 2021-22 सिजननि उनाव गिबि खेब बे टुर्नामेन्टनि जोबथा 4 आव सौहैदों।



लिभारपुलआ साउथेम्पटनखौ 2-1 गलआव फेजेन्नायै बिमुंखौ रैखाथि होनायनि फासै

गल सोदों। निउकेसलआ इटालीनि मिडफिल्डर सेन्डु तनालीनि गिबि हाफआव गल सोनायनि मददजों ब्रेन्टफोर्डखौ 3-1 गलआव फेजेन्नायै आरो खेबथाम सिजनआव नैथि खेब सेमिफाइनलाव सौहैयो। जेराव बे हान्जाया 2023 आव लीग काप फाइनलाव मन्चेस्टर इनाइटेडजों जेन्नादोंमोन। गुबुन मोनसे क्वार्टर फाइनलनि मेचआव मन्चेस्टर इनाइटेडआ टटेनहामनि हँथायै सेलेन्जआव ओंखारगोन।

गल सोदों। निउकेसलआ इटालीनि मिडफिल्डर सेन्डु तनालीनि गिबि हाफआव गल सोनायनि मददजों ब्रेन्टफोर्डखौ 3-1 गलआव फेजेन्नायै आरो खेबथाम सिजनआव नैथि खेब सेमिफाइनलाव सौहैयो। जेराव बे हान्जाया 2023 आव लीग काप फाइनलाव मन्चेस्टर इनाइटेडजों जेन्नादोंमोन। गुबुन मोनसे क्वार्टर फाइनलनि मेचआव मन्चेस्टर इनाइटेडआ टटेनहामनि हँथायै सेलेन्जआव ओंखारगोन।

मनिज पान्डेनि क्रिकेट केरियारआ जेनायाव

गोदान दिल्ली, 19 डिसेम्बर: भारतीय नख'रारि क्रिकेटआव थांनाय साननैसोनि सिगांसो सैयद मुस्ताक आली टफीआ जोबलांबाय। जेराव मुम्बाइआ गावसोरनि आगानखौ बे टफीआव लाखिनो हादों। फेगौ 21 डिसेम्बरनिफ्राय आरोबाव 50 अभांरनि टुर्नामेन्ट भिजय हाजारेआ जागायसिगोन। बेनि थाखाय गासैबो क्रिकेट एस'सिएसनफोरा गावसोरनि स्क्वाडखौ फोसावबाय। बेबादि समाववो कर्नाटक टीम मेनेजमेन्टनिफ्राय मोनसे सोमोनांथाव खौराड सोराडव फेदों। जेराव मुंदांखा गेलेगिरि आरो भिराट कहलीनि खाथि सोमोन्दोयारि लोगो बारग' केपेन मनिज पान्डेआ बेयाव जायगा मोनाखै। बेनि गुबै



जाहोनआ बेनोदि, कर्नाटक मेनेजमेन्टआ बे टुर्नामेन्टनि थाखाय गोजाम गेलेगिरिफोरखौ खबु होनायनि सोलायै गोदान गेलेगिरिफोरखौसो जायगा होदों। बिथाडा गात्रि फर्मनि थाखाय बे टुर्नामेन्टनिफ्राय

एस'सिएसननिफ्राय हान्जानि सायख'नायखौ रोखा खालामबाय। बेबादि थासारिआव मनिजआ फेगौ बोसोयव जानो गोनां रन्जि टफी 2024-25 नि नैथि राउन्डनि थाखाय कर्नाटकनि हान्जायाव जायगा मोनफिफनां गौआ गोब्राब जागोन। मख'नाय जायोदि, मनिजआ आइपिएलनि जासिमिनआव सेन्सुरि लानाय गिबि भारतनि गेलेगिरि। जेराव बिथाडा हारिमायारि क्रिकेटआव खेब

29 वन्डे आरो खेब 39 टी-20 मेच गेलेनायाव फारियै 33.29 जौखोन्दोजों वन्डेआव 566 रान लादों आरो टी-20 हारिमायारि मेचआव 44.31 जौखोन्दोजों 709 रान लानो हादों।

भिजय हाजारे टफीआव शिबांकर रयआ आसामनि हान्जाखौ दैदेनगोन



गुवाहाटी, 19 डिसेम्बर: फेगौ 21 डिसेम्बरनिफ्राय जयपुरआव खुंजानो गोनां भिजय हाजारे टफीआव आसामनि क्रिकेट हान्जाखौ मुंदांखा बेटसमेन शिबांकर रयआ दैदेनगोन। जेराव उडकेट कपार बेटसमेन सुमित गादिगवनकरआ लेडाइ केपेन महरै बिथानि मददआव ओंखारगोन। बे टफीआव आसामनि हान्जाया झारखन्डनि

हँथायै बेखेवजेनाय सानआव गेलेनायजों गावसोरनि केम्पेनखौ जागायगोन। जेराव नैथि मेचआव फेगौ 23 अक्टखालि उरिप्यानि हँथायै सेलेन्जआव ओंखारगोन। आसामनि हान्जायाव केपेन आरो लेडाइ केपेननि अनगायै मुंदांखा गेलेगिरिफोरा सायख'जादों। जायनि फारिआव फार्भेज मुसारफ, ऋषभ दास, सारुफाम पुर्कायस्ट, डेनिस दास,

सहिल जैनआ सायख'जानो हायो। बिथानोमोननि अनगायै हान्जायाव रेंगथि गोनां अभिषेक ठकुरि, मूमय दत्त, मुक्तार हुसेइन, आकाश सेन गुप्ता, रहलु सिंह, अभिनभ चौधुरि, दर्शन राजबंशि आरो अनुराग ठालुकदारआ

सायख'जानो हादों। आसामनि हान्जायाव गाहाइ कच महरै आर मारालीदारआ गाहाइ कच महरै सायख'जायो। जेराव आरके यादवआ कच महरै हान्जानि कामान्दखौ सामलायनायाव हेफाजाब होगोन।

अल इन्डिया एसबिआइ इन्टार सार्केल टेबल टेनिस सेम्पियनसिपआ जाफुंसारै जोबलांबाय



केटेगिरिआव बिमुं देरहादों आरो गावसोरनि दिन्थिफुंनायजों अन्सायगिरिफोरनि गोसोखौ देरहादों। बे सेम्पियनसिपनि जोबनाय हाबाफारिआव कपरेट सेन्टर मुम्बाइनि सिफ जेनेरेल मेनेजार राजिब कुमारआ गाहाइ आलासि महरै नुजाफेदों। जेराव बे हाबाफारिआव सिजिएम एस राधाकृष्णन, जिएम अमरेश कुमार झा आरो गुवाहाटी सार्केलनि अनगायै ओन्सोलारि गाहाइ मावख'नि सिनियर बिबानगिरिफोरखौबो बाहागो लाफैनाय नुनो मोन्दों।